

四庫全書

史部

前漢書卷二十六考證

天文志經星常宿中外官云云○臣召南按後志曰孝

明帝使班固敘漢書而馬續述天文志此志馬續所撰也故晉志引此文直曰馬續云

暈適背穴注孟康曰暈日旁氣也○暈監本訛背從宋本改

中宮天極星○監本接連前文自然之符也非是今另提行

環之匡衛十二星藩臣皆曰紫宮○臣召南按此與史

記天官書同但紫宮匡衛實十五星西藩七東藩八
與太微垣十二星不同晉志可証此與史記並曰十
二星何也

後十七星絕漢抵營室曰閣道○臣召南按此志於經

星俱直用天官書閣道星數天官書云六星是也何
以言十七星乎晉志亦作六星疑十七二字係傳寫
之訛

後聚十五星曰哀鳥郎位○晉志作依鳥郎府

廷藩西有隨星四曰少微○

臣召南

按天官書作隋星

注隋音他果反此志宋本監本並作隨星蓋誤

東井西曲星曰戌○

臣召南

按戌字係戌字之訛戌即

古鉞字天官書曰其西曲星曰鉞又曰鉞北北河南

南河又曰傷成鉞其文甚明晉志鉞一星附井之前

主伺淫奢而斬之即解字義此志宋本別本並作戌

字非也存說于此

旁一星曰王梁○天官書作王良晉志亦作王良此作

梁誤

曰天橫○橫天官書作潢

歲星○凌穉隆曰自此以下與史記有異同

太白注晉灼曰出以寅戌入以丑未也○按寅戌當作

辰戌

戌巳中州河濟○戌訛戌今改正

如星非星○臣永祚按監本連接上文非也今另提行

又星者金之散氣旬始出于北方天曜而現景星日
有中道皆自為一段監本並連接寫今俱提行

凡候歲美惡○臣永祚按凡望雲氣凡候歲美惡皆自
為一段不相連接監本誤也今於每段俱另提行

十二月白氣出西南○監本于十二月上衍建平元年
四字從宋本刪去

前漢書卷二十六考證

欽定四庫全書

前漢書卷二十七上

漢 蘭 臺 令 史班 固撰

唐正議大夫行秘書少監琅邪縣開國子顏師古注

五行志第七上

易曰天垂象見吉凶聖人象之河出圖雒出書聖人則

之

師古曰上繫之辭也則效也

劉歆以為虞義氏繼天而王

師古曰虞讀與

同伏受河圖則而畫之八卦是也

師古曰放效河圖而畫八卦也

禹治洪

水賜雒書法而陳之洪範是也

師古曰取法雒書而陳洪範也

聖人行

其道而實其真降及于殷箕子在父師位而典之

師古曰父

師即太師殷之三公也箕子紂之諸父而為太師故曰父師

周既克殷以箕子歸武

王親虛已而問焉故經曰惟十有三祀王訪于箕子

師古

曰祀年也商曰祀自此以下皆周書洪範之文

王廼言曰烏嚅箕子惟天陰隲

下民相協厥居我不知其彝倫攸叙

服虔曰隲音陟應劭曰陰覆也隲升

也相助也協和也倫理也適所也言天覆下民王者當

助天居我不知居天常理所次序也師古曰隲音質隲

定也協和也天不言而箕子廼言曰我聞在昔鯀陞洪

默定下人助合其居也

水汨陳其五行

應劭曰隄塞也汨亂也水性流行而隄障塞之失其本性其餘所陳列皆亂故

曰亂陳五行也師古曰汨音骨

帝乃震怒弗畀洪範九疇彝倫道

師古

曰帝謂上帝即天也震動也畀與也疇類也九類即九章也數敗也音丁故反

鯀則殛死禹迺

嗣興

師古曰殛誅也見誅而死殛音居力反

天迺錫禹洪範九疇彝倫道

敘此武王問雒書於箕子箕子對禹得雒書之意也初

一曰五行

師古曰謂之行者言順天行氣

次二曰羞用五事

師古曰羞進也

次

三曰農用八政

張晏曰農食之本食為八政首故以農為名也師古曰此說非也農厚也羞用

義例皆同非田農之義也

次四曰時用五紀

應劭曰時合也合成五行為之條紀也師古曰

叶讀曰

次五曰建用皇極

應劭曰皇大極中也

次六曰艾用三德

應劭曰艾治也治大中之道用三德也師古曰艾讀曰又

次七曰明用稽疑

應劭曰疑事明

考之於著龜

次八曰念用庶徵

師古曰念思也庶衆也徵應也

次九曰嚮用

五福畏用六極

應劭曰天所以嚮樂人用五福所以畏懼人用六極

凡此六十五

字皆雒書本文所謂天廼錫禹大法九章常事所次者

也以為河圖雒書相為經緯八卦九章相為表裏昔殷

道弛文王演周易

師古曰演廣也更廣其文也演音弋善反

周道敝孔子述

春秋則乾坤之陰陽效洪範之咎徵天之道粲然著

矣漢興承秦滅學之後景武之世董仲舒治公羊春秋

始推陰陽為儒者宗宣元之後劉向治穀梁春秋數其

翫福傳以洪範

師古曰翫古文禍字以洪範義傳而說之傳字或作傳讀曰附謂附著

與

仲舒錯

師古曰錯互不同也

至向子歆治左氏傳其春秋意亦已

乖矣言五行傳又頗不同是以摠仲舒別向歆

師古曰摠字與

擎同謂引取之摠音來敢反

傳載睦孟夏侯勝京房谷永李尋之徒

所陳行事訖于王莽舉十二世以傳春秋著于篇

師古曰傳

讀曰附謂比附其事

經曰初一日五行五行一日水二曰火三曰木四曰金

五曰土水曰潤下火曰炎上

師古曰皆水火自然之性也

木曰曲直

師古曰言可揉而曲可矯而直

金曰從革

張晏曰革更也可更銷鑄也

土爰稼穡

師古

曰爰亦曰也一說爰於也可於其上稼穡也種之曰稼收聚曰穡

傳曰田獵不宿

服虔曰不

得其時也或曰不豫戒曰不宿不戒以其時也

飲食不享

師古曰不行享獻之禮也

出入不

節奪民農時及有姦謀

李奇曰姦謀謂邪謀也師古曰即臣瓚曰姦謂邪謀也

下所謂作為姦詐以奪農時

則木不曲直說曰木東方也於易地上

之木為觀

師古曰坤下巽上觀巽為木故云地上之木也

其於王事威儀容貌

亦可觀者也故行步有佩玉之度

師古曰玉佩上有雙衡下有雙璜琕琕以

雜之銜牙琕琕以納其間右徵角而左宮羽進則掩之退則揚之然後玉鏘鳴焉是為行步之節度也璜音黃

琕音居琕音禹此音步于反

登車有和鸞之節

師古曰和鈴也以金為之施於衡上鸞亦

以金為鸞鳥而栖衡銜鈴焉施於鑣上動皆有聲以為舒疾之節也

田狩有三驅之制

師古

曰謂田獵三驅也三驅之禮一為乾豆二為賓客三為充君之庖也

飲食有享獻之禮

師古

曰以禮飲食謂之享進爵於前謂之獻

出入有名使民以時務在勸農桑

謀在安百姓如此則木得其性矣若廼田獵馳騁不反

宮室飲食沈湎不顧法度

師古曰沈湎謂溺於酒食酒音彌善反

妄興絲

役以奪民時作為姦詐以傷民財則木失其性矣蓋工

匠之為輪矢者多傷敗

如淳曰操輪不曲矯矢不直也

及木為變怪

臣贊

曰梓柱更生及變為人形是也

是為木不曲直春秋成公十六年正月

雨木冰劉歆以為上陽施不下通下陰施不上達故雨

而木為之冰霧氣寒

師古曰霧音紛

木不曲直也劉向以為冰

者陰之盛而水滯者也木者少陽貴臣卿大夫之象也

此人將有害則陰氣脅木木先寒故得雨而冰也是時

叔孫喬如出奔公子偃誅死

師古曰叔孫喬如叔孫宣伯也通於宣公夫人穆姜

謀欲作亂不克而出奔齊公子偃宣公庶子成
公弟也豫喬如之謀故見誅事並在十六年冬一日時

晉執季孫行父又執公此執辱之異

師古曰行父季文子也十六年秋公

會晉侯于沙隨晉受喬如之譖而止公是年九月又信喬如之譖而執行父也

或曰今之長老

名木冰為木介者甲甲兵象也是歲晉有隰陵之戰

楚王傷目而敗

師古曰晉楚戰于隰陵呂錡射恭王中目隰陵鄭地

屬常雨也

傳曰棄法律逐功臣殺太子以妾為妻則火不炎上說

曰火南方揚光輝為明者也其於王者南面鄉明而治

師古曰鄉讀曰嚮

書云知人則愆能官人

師古曰虞書咎繇謨之辭愆智也能知其

材則能官之
所以為智也

故堯舜舉羣賢而命之朝

師古曰謂稷高以下

遠四

佞而放諸壑

師古曰四佞即四凶也遠離也壑古野字

孔子曰浸潤之譖膚

受之訴不行焉可謂明矣

師古曰論語載孔子之言也浸潤言積漸也膚受謂初入

皮膚以至骨髓也

賢佞分別官人有序帥由舊章

師古曰帥循也

敬重

功勲殊別適庶

師古曰適讀曰嫡

如此則火得其性矣若廼信

道不篤或燿虛偽讒夫昌邪勝正則火失其性矣自上

而降及濫炎妄起

師古曰炎讀曰燄

災宗廟燒宮館雖興師衆

弗能救也是為火不炎上春秋桓公十四年八月壬申

御廩災董仲舒以為先是四國共伐魯大破之於龍門

韋昭曰魯郭門

百姓傷者未瘳怨咎未復而君臣俱情內怠政

事外侮四鄰非能保守宗廟終其天年者也故天災御廩以戒之劉向以為御廩夫人八妾所舂米之臧以奉

宗廟者也

師古曰一娶九女正嫡一人餘者妾也故云八妾

時夫人有淫行

師古

曰謂通於齊侯

挾逆心

師古曰謂欲弑桓公

天戒若曰夫人不可以奉宗

廟桓不寤與夫人俱會齊

師古曰十八年春公會齊侯于濼公與夫人姜氏遂如齊

也夫人譖桓公於齊侯

師古曰言世子同非吾子齊侯之子

齊侯殺桓公

師古曰齊侯享公公醉使公子彭生乘公拉其幹而殺之公薨于車劉歆以為御廩公所

親耕籍田以奉粢盛者也師古曰黍稷曰粢在器曰盛也棄法度亡禮

之應也嚴公二十年夏齊大災師古曰嚴公謂莊公也

漢書載謚姓為嚴者皆類此劉向以為齊桓好色聽女口以妾為妻

適庶數更師古曰更改也桓公之夫人三王姬徐嬴蔡姬皆無子而桓公好內多寵內嬖如夫人者

六人長衛姬生公子無虧即武孟也少衛姬生惠公鄭姬生孝公葛嬴生昭公密姬生懿公宋華子生公子雍

公與管仲屬孝公於宋襄公以為太子易牙有寵於衛恭姬因侍人貂以薦羞於公請立武孟公許之管仲卒

五公子皆求立適讀曰嫡下亦同數音所角反故致大災桓公不寤及死適庶

分爭九月不得葬

師古曰魯僖十七年齊桓公卒易牙入因內寵以殺羣吏立無虧孝公奔

宋十八年齊立孝公不勝四公子之徒遂與宋人戰敗齊師于甌立孝公而還八月葬桓公是為過於九月乃

得葬也

公羊傳曰大災疫也董仲舒以為魯夫人淫於齊

齊桓姊妹不嫁者七人國君民之父母夫婦生化之本

本傷則末夭故天災所予也

李奇曰以為疫殺其民人

釐公二十年

五月乙巳西宮災

師古曰釐讀曰僖後皆類此

穀梁以為愍公宮也

以謚言之則若疏故謂之西宮劉向以為釐立妾母為

夫人以入宗廟

師古曰僖公之母謂成風也本非正嫡僖既為君而母遂同夫人禮文四年經

書夫人風氏薨五年王使榮叔歸含且賜是也

故天災愍宮若曰去其卑而親

者將害宗廟之正禮

師古曰愍公於僖公為弟故云卑

董仲舒以為釐

娶於楚而齊媵之脅公使立以為夫人

師古曰僖公初聘楚女為嫡齊

女為媵時齊先致其女脅魯使立為夫人事見公羊穀梁傳

西宮者小寢夫人之居

也若曰妾何為此宮誅去之意也以天災之故大之曰

西宮也左氏以為西宮者公宮也言西知有東東宮太

子所居言宮舉國皆災也宣公十六年夏成周宣榭火

師古曰公羊經曰成周洛陽也

榭者所以臧樂器宣其名也董仲舒劉

向以為十五年王札子殺召伯毛伯

師古曰王札子即王子捷也召伯毛

伯周二大夫也召讀曰邵後皆類此

天子不能誅天戒若曰不能行政令

何以禮樂為而臧之左氏經曰成周宣榭火人火也人

火曰火天火曰災榭者講武之坐屋成公三年二月甲

子新宮災穀梁以為宣宮不言謚恭也劉向以為時魯

三桓子孫始執國政宣公欲誅之恐不能使大夫公孫

歸父如晉謀未反宣公死三家譖歸父於成公成公父

喪未葬聽讒而逐其父之臣使奔齊

師古曰三桓謂孟孫叔孫季孫三家

俱出桓公之子也公孫歸父東門襄仲之子也歸父欲去三桓以張公室與宣公謀而聘于晉欲以晉人去之而宣公薨成公即位季文子及臧宣叔乃逐東門氏歸父還復命於介遂出奔齊故天災宣宮

明不用父命之象也一曰三家親而亡禮猶宣公殺子

赤而立

師古曰赤文公太子即子惡也宣公文公之庶子襄仲殺赤而立宣公

亡禮而親

天災宣廟欲示去三家也董仲舒以為成居喪亡哀戚

心數興兵戰伐

師古曰謂元年作丘甲二年季孫行父帥師會晉卻克及齊侯戰于鞌三年叔

孫僑如帥師圍棘

故天災其父廟示失子道不能奉宗廟也一

曰宣殺君而立不當列於羣祖也襄公九年春宋災劉

向以為先是宋公聽讒逐其大夫華弱出奔魯

師古曰華弱華

耦之孫也與樂轡少相狎長相優又相謗轡以弓楮弱于朝宋平公怒逐之遂來奔事在襄六年

左氏

傳曰宋災樂喜為司城

師古曰司城本司空避武公之諱故改其官為司城

先使

火所未至徹小屋

師古曰恐火及之故徹去

塗大屋

師古曰大屋難徹故以泥塗之

令火至陳舂輦

應劭曰舂草籠也讀與本同輦所以輿土也

具綆缶

師古曰綆汲索也缶即盎也綆音工杏反

備水器

師古曰縈甕之屬也許氏說文解字曰縈備火今之

長頸瓶也

蓄水潦積土塗

師古曰潦行潦也畜謂障遏聚之也塗泥也

繕守

備

師古曰繕謂補修之也修守禦之備恐因火有它故也

表火道

師古曰火之所起之道皆立標

也

記儲正徒

師古曰儲僭也正徒役徒也僭音文紀反

郊保之民使奔火所

師古

曰郊保之人謂郊野之外保聚者也使奔火所共救災也

又飭衆官各慎其職

師古曰飭

讀與救同

晉侯聞之問士弱曰

師古曰士弱晉大夫士莊伯

宋災於是乎

知有天道何故對曰古之火正或食於心或食於味以

出入火

師古曰味音竹救反

是故味為鶉火心為大火陶唐氏之

火正閼伯居商丘祀大火而火紀時焉相土因之故商

主大火商人閱其旤敗之釁必始於火是以知有天道

公曰可必乎對曰在道國亂亡象不可知也

韋昭曰大亂之君天

不復告
故無象

說曰古之火正謂火官也掌祭火星行火政季

春昏心星出東方而昧七星

○宋祁曰昧
邵本作啄

鳥首正在南

方則用火季秋星入則止火以順天時救民疾帝嚳則

有祝融堯時有關伯民賴其德死則以為火祖配祭火

星故曰或食於心或食於昧也相土商祖契之曾孫

師古

曰契讀曰僕音先列反字或作高其用同耳據
諸典籍相土即高之孫今云曾孫未詳其意

代關伯

後主火星宋其後也世司其占故先知火災賢君見變
能脩道以除凶亂君亡象天不譴告故不可必也三十

年五月甲午宋災董仲舒以為伯姬如宋五年宋恭公

卒

師古曰伯姬魯宣公女恭姬也成九年歸于宋十五年而宋公卒今云如宋五年則是傳寫誤

伯姬

幽居守節三十餘年又憂傷國家之患禍積陰生陽故

火生災也劉向以為先是宋公聽讒而殺太子痤

師古曰

宋平公太子也寺人惠牆伊戾譖太子云與楚客盟平公殺之事在襄二十六年痤音在戈反

應火不

炎上之罰也左氏傳昭公六年六月丙戌鄭災是春三

月鄭人鑄刑書士文伯曰火見鄭其火乎

師古曰士文伯晉大夫伯

瑕也火未出而作火以鑄刑器臧爭辟焉

師古曰鑄刑於鼎故稱刑器法

設下爭故
云爭辟

火而象之不火何為說曰火星出於周五月

而鄭以三月作火鑄鼎刻刑辟書以為民約是為刑器
爭辟故火星出與五行之火爭明為災其象然也又棄
法律之占也不書於經時不告魯也九年夏四月陳火

師古曰
公羊經

董仲舒以為陳夏徵舒殺君楚嚴王託欲為陳

討賊陳國闢門而待之至因滅陳

師古曰夏徵舒陳卿
夏南即少西氏也徵

舒之母通於靈公靈公飲酒于夏氏徵舒射而殺之楚
子為夏氏亂故伐陳謂陳人無動將討於少西氏遂入
陳殺夏徵舒輟諸栗門因縣陳事在宣公十一年○劉
敞曰子按昭九年夏徵舒事且六十歲矣仲舒之言一

何謬手

陳臣子尤毒恨甚極陰生陽故致火災劉向以為

先是陳侯弟招殺陳太子偃師

師古曰招謂陳哀公之弟偃師即哀公子也哀

公有廢疾招殺太子而立公子留事在昭八年招音韶

皆外事不因其宮館者略

之也八年十月壬午楚師滅陳

師古曰莊王初雖縣陳納申叔時之諫乃復封

陳至此時陳又為楚靈王所滅

春秋不與蠻夷滅中國故復書陳火也

師古曰九年火時陳已為楚縣猶追書陳國者以楚蠻夷不許其滅中夏之國

左氏經曰陳災

傳曰鄭裨竈曰五年陳將復封

師古曰裨竈鄭大夫

封五十二年

而遂亡子產問其故對曰陳水屬也火水妃也而楚所

相也今火出而火陳逐楚而建陳也妃以五成故曰五年歲五及鷄火而後陳卒亡楚克有之天之道也說曰顓頊以水王陳其族也

師古曰陳舜後也舜本出顓頊

今茲歲在星紀

後五年在大梁大梁昴也金為水宗得其宗而昌故曰五年陳將復封楚之先為火正故曰楚所相也天以一生水地以二生火天以三生木地以四生金天以五生土五位皆以五而合而陰陽易位故曰妃以五成然則水之大數六火七木八金九土十故水以天一為火二

牡木以天三為土十牡土以天五為水六牡火以天七為金四牡金以天九為木八牡陽奇為牡陰耦為妃

師古

曰奇音居宜反

故曰水火之牡也火水妃也於易坎為水為中

男離為火為中女蓋取諸此也自大梁四歲而及鶉火四周四十八歲凡五及鶉火五十二年而陳卒亡火盛水衰故曰天之道也哀公十七年七月己卯楚滅陳昭十八年五月壬午宋衛陳鄭災董仲舒以為象王室將亂天下莫救故災四國言亡四方也又宋衛陳鄭之君

皆荒淫於樂不恤國政與周室同行陽失節則火災出

是以同日災也劉向以為宋陳王者之後

師古曰宋微子啓本出殷

陳胡公滿有虞苗裔皆王者之後

衛鄭周同姓也

師古曰衛康叔文王之子鄭桓公宣王之

弟時周景王老劉子單子事王子猛

師古曰劉子劉獻公摯也單子穆公

旗也皆周大夫也猛景王太子單音善

尹氏召伯毛伯事王子鼂

師古曰尹氏文

公圉也召伯莊公奭也毛伯毛得也皆周大夫也子鼂景王庶子也鼂古朝字

子鼂楚之出也

師古曰姊妹之子曰出

及宋衛陳鄭亦皆外附於楚亡尊周室之

心後三年景王崩王室亂故天災四國天戒若曰不救

周反從楚廢世子立不正以害王室明同臯也定公二

年五月雉門及兩觀災

師古曰雉門公宮南門也兩觀謂闕

董仲舒劉向

以為此皆奢僭過度者也先是季氏逐昭公昭公死于

外

師古曰謂薨于乾侯

定公即位既不能誅季氏又用其邪說淫

於女樂而退孔子

師古曰齊人歸女樂季桓子勸定公受之君臣相與觀之廢朝禮三日孔

子乃行

天戒若曰去高顯而奢僭者一曰門闕號令所由

出也今舍大聖而縱有臯亡以出號令矣京房易傳曰

君不思道厥妖火燒官哀公三年五月辛卯桓釐宮災

董仲舒劉向以為此二宮不當立違禮者也哀公又以季氏之故不用孔子孔子在陳聞魯災曰其桓釐之宮乎以為桓季氏之所出釐使季氏世卿者也四年六月辛丑亳社災師古曰亳社殷社也董仲舒劉向以為亡國之社所以為戒也師古曰存其社者欲使君常思敬慎懼危亡也天戒若曰國將危亡

不用戒矣春秋火災屢於定哀之間不用聖人而縱驕臣將以亡國不明甚也一曰天生孔子非為定哀也蓋失禮不明火災應之自然象也高后元年五月丙申趙

叢臺災劉向以為是時呂氏女為趙王后嫉妬將為讒口以害趙王王不寤焉卒見幽殺惠帝四年十月乙亥

未央宮凌室災

師古曰臧冰之室也

丙子織室災

師古曰織作之室

劉向

以為元年呂太后殺趙王如意殘戮其母戚夫人是歲十月壬寅太后立帝姊魯元公主女為皇后其乙亥凌室災明日織室災凌室所以供養飲食織室所以奉宗廟衣服與春秋御廩同義天戒若曰皇后亡奉宗廟之德將絕祭祀其後皇后亡子後宮美人有男太后使皇

后名之而殺其母惠帝崩嗣子立有怨言太后廢之更立呂氏子弘為少帝賴大臣共誅諸呂而立文帝惠后幽廢文帝七年六月癸酉未央宮東闕罌蟲災

師古曰罌蟲闕

之屏也解
具在文紀

劉向以為東闕所以朝諸侯之門也罌蟲在

其外諸侯之象也漢興大封諸侯王連城數十文帝即位賈誼等以為違古制度必將叛逆先是濟北淮南王皆謀反其後吳楚七國舉兵而誅景帝中五年八月己酉未央宮東闕災先是栗太子廢為臨江王

師古曰景
帝太子栗

姬所生謂之栗太子

以罪徵詣中尉自殺丞相條侯周亞夫以不

合旨稱疾免後二年下獄死武帝建元六年六月丁酉

遼東高廟災四月壬子高園便殿火董仲舒對曰春秋

之道舉往以明來是故天下有物視春秋所舉與同比

者

師古曰比類也音必寐反

精微眇以存其意通倫類以貫其理天

地之變國家之事粲然皆見亡所疑矣按春秋魯定公

哀公時季氏之惡已孰

師古曰孰成也

而孔子之聖方盛夫以

盛聖而易孰惡季孫雖重魯君雖輕其勢可成也故定

公二年五月兩觀災兩觀僭禮之物

師古曰兩觀天子之制也

天災

之者若曰僭禮之臣可以去已見臯徵而後告可去此

天意也定公不知省至哀公三年五月桓宮釐宮災二

者同事所為一也若曰燔貴而去不義云爾

師古曰燔音煩

哀

公未能見故四年六月亳社災兩觀桓釐廟亳社四者

皆不當立天皆燔其不當立者以示魯欲其去亂臣而

用聖人也季氏亡道久矣前是天不見災者魯未有賢

聖臣雖欲去季孫其力不能昭公是也

師古曰前是謂此時之前也見

顯示也音胡電

至定哀廼見之其時可也不時不見天

之道也今高廟不當居遼東高園殿不當居陵旁於禮

亦不當立與魯所災同其不當立久矣至於陛下時天

廼災之者殆亦其時可也昔秦受亡周之敝而亡以化

之漢受亡秦之敝又亡以化之夫繼二敝之後承其下

流兼受其猥難治甚矣

師古曰猥積也謂積敝也

又多兄弟親戚骨

肉之連驕揚奢侈

師古曰揚謂振揚張大也

恣睢者衆

服虔曰自恣意恣貌也師

古曰睢音呼李反

所謂重難之時者也陛下正當大敝之後又

遭重難之時甚可憂也故天災若語陛下當今之世雖
敝而重難非以太平至公不能治也視親戚貴屬在諸
侯遠正最甚者忍而誅之

師古曰遠離也謂離正道者也

如吾燔遼東

高廟廼可視近臣在國中處旁仄及貴而不正者忍而
誅之

師古曰仄古側字

如吾燔高園殿廼可云爾在外而不正

者雖貴如高廟猶災燔之況諸侯乎在內不正者雖貴
如高園殿猶燔災之況大臣乎此天意也臯在外者天
災外臯在內者天災內燔甚臯當重燔簡臯當輕承天

意之道也先是淮南王安入朝始與帝舅太尉武安侯田蚡有逆言其後膠西王王趙敬肅王常山憲王皆數犯法或至夷滅人家藥殺二千石而淮南衡山王遂謀反膠東江都王皆知其謀陰治兵弩欲以應之至元朔六年廼發覺而伏辜時田蚡已死不及誅上思仲舒前言使仲舒弟子呂步舒持斧鉞治淮南獄以春秋誼斷於外不請

師古曰顓與專同不請者不待奏報

既還奏事上皆是之太

初元年十一月乙酉未央宮柏梁臺災先是大風發其

屋夏侯始昌先言其災日後有江充巫蠱衛太子事征

和二年春涿郡鐵官鑄鐵鐵銷皆飛上去

○宋祁曰鐵鐵疑作錢錢

此火為變使之然也其三月涿郡太守劉屈釐為丞相

後月巫蠱事興帝女諸邑公主陽石公主

師古曰諸琅邪之縣也公

主所食曰邑故謂之諸邑陽石北海之縣字亦作羊

丞相公孫賀子太僕敬聲平

陽侯曹宗等皆下獄死七月使者江充掘蠱太子宮太

子與母皇后議恐不能自明乃殺充舉兵與丞相劉屈

釐戰死者數萬人太子敗走至湖自殺

師古曰湖縣名也即今閬鄉湖

城二縣界

明年屈釐復坐祝禪要斬

師古曰禪古詛字也音側據反

妻梟首

也成帝河平二年正月沛郡鐵官鑄鐵不下

○宋祁曰作錢

錢不下

隆隆如雷聲又如鼓音工十三人驚走音止還視

地地陷數尺鑪分為十一鑪中銷鐵散如流星皆上去

與征和二年同象其夏帝舅五人封列侯號五侯

師古曰譚

商立根逢時凡五人

元舅王鳳為大司馬大將軍秉政後二年丞

相王商與鳳有隙鳳譖之免官自殺明年京兆尹王章

訟商忠直言鳳顓權鳳誣章以大逆罪下獄死妻子徙

合浦後許皇后坐巫蠱廢而趙飛燕為皇后妹為昭儀
賊害皇子成帝遂亡嗣皇后昭儀皆伏辜一曰鐵飛屬
金不從革昭帝元鳳元年燕城南門災劉向以為時燕
王使邪臣通於漢為讒賊謀逆亂南門者通漢道也天
戒若曰邪臣往來為姦讒於漢絕亡之道也燕王不寤
卒伏其辜元鳳四年五月丁丑孝文廟正殿災劉向以
為孝文太宗之君與成周宣榭火同義先是皇后父車
騎將軍上官安安父左將軍桀謀為逆大將軍霍光誅

之皇后以光外孫年少不知居位如故光欲后有子因
上侍疾醫言禁內後宮皆不得進唯皇后顓寢皇后年
六歲而立十三年而昭帝崩遂絕繼嗣光執朝政猶周
公之攝也是歲正月上加元服

師古曰
謂冠也

通詩尚書有明

愆之性光亡周公之德秉政九年久於周公上既已冠
而不歸政將為國害故正月加元服五月而災見古之
廟皆在城中孝文廟始出居外天戒若曰去貴而不正
者宣帝既立光猶攝政驕溢過制至妻顯殺許皇后光

聞而不討後遂誅滅宣帝甘露元年四月丙申中山太
上皇廟災甲辰孝文廟災元帝初元三年四月乙未孝
武園白鶴館災劉向以為先是前將軍蕭望之光祿大
夫周堪輔政為佞臣石顯許章等所譖望之自殺堪廢

黜明年白鶴館災園中五里馳逐走馬之館

師古曰五里者言其

周迴五里

不當在山陵昭穆之地天戒若曰去貴近逸遊不

正之臣將害忠良後章坐走馬上林下烽馳逐免官

孟康

曰夜於上林苑下舉火馳射也烽或作羹晉灼曰冠首曰烽競走曰逐師古曰孟說是

永光四年

六月甲戌孝宣杜陵園東闕南方災劉向以為先是上復徵用周堪為光祿勳及堪弟子張猛為大中大夫石顯等復譖毀之皆出外遷是歲上復徵堪領尚書猛給事中石顯等終欲害之園陵小於朝廷闕在司馬門中內臣石顯之象也孝宣親而貴門闕法令所從出也天戒若曰去法令內臣親而貴者必為國害後堪希得進見因顯言事事決顯口堪病不能言顯誣告張猛自殺於公車成帝即位顯卒伏辜成帝建始元年正月乙丑

皇考廟災初宣帝為昭帝後而立父廟於禮不正是時

大將軍王鳳顯權擅朝甚於田蚡將害國家故天於元

年正月而見象也其後寤盛

師古曰寤古浸字浸漸也

五將世權遂

以亡道

孟康曰謂王五大司馬也師古曰謂鳳音商根莽也

鴻嘉三年八月乙卯

孝景廟北闕災十一月甲寅許皇后廢永始元年正月

癸丑大官凌室災戊午戾后園南闕災是時趙飛燕大

幸許后既廢上將立之故天見象於凌室與惠帝四年

同應戾后衛太子妾遭巫蠱之戕宣帝既立追加尊號

於禮不正又戾后起於微賤與趙氏同應天戒若曰微賤亡德之人不可以奉宗廟將絕祭祀有凶惡之旤至其六月丙寅趙皇后遂立姊妹驕妒賊害皇子卒皆受誅永始四年四月癸未長樂宮臨華殿及未央宮東司馬門災六月甲午孝文霸陵園東闕南方災長樂宮成帝母王太后之所居也未央宮帝所居也霸陵太宗盛德園也是時太后三弟相續秉政

師古曰謂陽平侯鳳安陽侯音成都侯商

相代為大司馬

舉宗居位充塞朝廷兩宮親屬將害國家

師古曰謂

太后家王氏皇后家
趙氏故云兩宮親屬

故天象仍見

師古曰仍重也

明年成都侯

商薨弟曲陽侯根代為大司馬秉政後四年根乞骸骨

薦兄子新都侯莽自代遂覆國焉哀帝建平三年正月

癸卯桂宮鴻寧殿災帝祖母傅太后之所居也時傅太

后欲與成帝母等號齊尊大臣孔光師丹等執政以為

不可太后皆免官爵遂稱尊號後三年帝崩傅氏誅滅

平帝元始五年七月己亥高皇帝原廟殿門災盡

師古曰原

廟重廟也

高皇帝廟在長安城中後以叔孫通譏複道故復

起原廟於渭北非正也是時平帝幼成帝母王太后臨

朝委任王莽將篡絕漢墮高祖宗廟

師古曰墮毀也音火規反

故天

象見也其冬平帝崩明年莽居攝因以篡國後卒夷滅

傳曰治宮室飾臺榭

師古曰臺有室曰榭

內淫亂犯親戚侮父兄

則稼穡不成說曰土中央生萬物者也其於王者為內

事宮室夫婦親屬亦相生者也古者天子諸侯宮廟大

小高卑有制后夫人媵妾多少進退有度九族親疏長

幼有序孔子曰禮與其奢也寧儉

師古曰論語載孔子之言也若不得禮之

中而失於奢則不如儉

故禹卑宮室

師古曰論語載孔子曰禹吾無間然矣卑宮室而盡力於

溝洫謂勤於治水

文王刑于寡妻

師古曰大雅思齊之詩云刑于寡妻至于

兄弟以御于家邦刑法也寡妻謂正嫡也御治也此美文王以禮法接待其妻旁及兄弟宗族又廣以政教治

邦家此聖人之所以昭教化也如此則土得其性矣若廼

奢淫驕慢則土失其性有水旱之災而草木百穀不孰

是為稼穡不成嚴公二十八年冬大水亡麥禾董仲舒

以為夫人哀姜淫亂

師古曰哀姜莊公夫人齊女也

逆陰氣故大水也

劉向以為水旱當書不書水旱而曰大亡麥禾者土氣

不養稼穡不成者也是時夫人淫於二叔内外亡別

師古

曰二叔謂莊公二弟仲慶父及叔牙

又因凶饑一年而三築臺

師古曰謂三十一年

春築臺于郎夏築臺于薛秋築臺于秦也郎薛秦皆魯地也

故應是而稼穡不成飾

臺榭内淫亂之罰云遂不改寤四年而死

師古曰莊公三十二年薨

距大水無麥禾凡四歲也

甌流二世

師古曰謂子般及閔公皆殺死

奢淫之患也

傳曰好戰攻輕百姓飾城郭侵邊境則金不從革說曰

金西方萬物既成殺氣之始也故立秋而鷹隼擊秋分

而微霜降其於王事出軍行師把旄杖鉞誓士衆抗威

武所以征畔逆止暴亂也詩云有虔秉鉞如火烈烈

師古

曰商頌長發之詩也虔固也此美殷湯興師出征固持其鉞以誅有罪威力猛盛如火熾烈

又曰載

戢干戈載櫜弓矢

師古曰周頌時邁之詩也戢聚也櫜

而韜藏也

動靜應誼說以犯難民忘其死

師古曰言以和悅使人雖犯危難不

顧其生也易兌卦彖曰說以犯難人忘其死故引之也說讀曰悅

如此則金得其性矣

若迺貪欲恣睢

師古曰睢音呼季反

務立威勝不重民命則金失

其性蓋工冶鑄金鐵金鐵冰滯涸堅不成者衆

師古曰涸讀與

涸同涸凝也音下故反春秋左氏傳曰固陰涸寒○劉敞曰冰音凝

及為變怪是為金不

從革左氏傳曰昭公八年春石言於晉晉平公問於師

曠

師古曰晉掌樂大夫

對曰石不能言神或馮焉作事不時怨讟

動於民

師古曰讟痛怨之言也音讀

則有非言之物而言今宮室崇

侈民力彫盡怨讟並興莫信其性

師古曰信猶係也性生也一說信讀曰申

言不得申其性命也

石之言不亦宜乎於是晉侯方築虎祁之宮

師古曰虎祁地在絳西臨汾水虎音斯

叔向曰君子之言信而有徵

師古曰叔

向晉大夫羊舌肸也

劉歆以為金石同類是為金不從革失其性

也劉向以為石白色為主屬白祥成帝鴻嘉三年五月

乙亥天水冀南山大石鳴

師古曰天水之冀縣南山也

聲隆隆如雷

有頃止聞平襄二百四十里

韋昭曰天水縣

犢雞皆鳴

師古曰雞也

石長丈三尺廣厚略等

師古曰廣及厚皆如其長

旁著岸脅去地二

百餘丈民俗名曰石鼓石鼓鳴有兵是歲廣漢鉗子謀

攻牢

師古曰鉗子謂鉗徒也牢繫重囚之處

篡死臯囚鄭躬等盜庫兵劫

略吏民衣繡衣自號曰山君黨與寢廣明年冬廼伏誅

自歸者三千餘人後四年尉氏樊並等謀反殺陳留太

守嚴普自稱將軍山陽亡徒蘇令等黨與數百人盜取

庫兵經歷郡國四十餘皆踰年廼伏誅是時起昌陵作者數萬人徙郡國吏民五千餘戶以奉陵邑作治五年不成乃罷昌陵還徙家

師古曰初徙人陪昌陵者今皆還其本居

石鳴與晉

石言同應師曠所謂民力彫盡傳云輕百姓者也虎祁離宮去絳都四十里昌陵亦在郊塹皆與城郭同占城郭屬金宮室屬土外內之別云

傳曰簡宗廟不禱祠廢祭祀逆天時則水不潤下說曰水北方終藏萬物者也其於人道命終而形藏精神放

越聖人爲之宗廟以收魂氣春秋祭祀以終孝道王者即位必郊祀天地禱祈神祇望秩山川懷柔百神亡不

宗事

師古曰懷來也柔安也謂招來而祭祀之使其安也宗尊也

慎其齊戒致其嚴

敬鬼神歆饗多獲福助此聖王所以順事陰氣和神人也至發號施令亦奉天時十二月咸得其氣則陰陽調而終始成如此則水得其性矣若廼不敬鬼神政令逆時則水失其性霧水暴出百川逆溢壞鄉邑溺人民及淫雨傷稼穡是爲水不潤下京房易傳曰顓事有知誅

罰絕理厥災水其水也雨殺人以隕霜大風天黃饑而

不損茲謂泰厥災水水殺人辟遇有德茲謂狂

應劭曰
辟天子

也有德者雍
過不見用也

厥災水水流殺人已水則地生蟲歸獄不

解茲謂追非

李奇曰歸罪過於民不罪己也張晏曰謂
釋有罪之人而歸無辜者也解止也追非

遂非也

厥水寒殺人追誅不解茲謂不理厥水五穀不收

大敗不解茲謂皆陰解舍也王者於大敗誅首惡赦其

衆不則皆函陰氣

師古曰函
讀與舍同

厥水流入國邑隕霜殺穀

○宋祁曰
穀當作菽

桓公元年秋大水董仲舒劉向以為桓弑兄

隱公民臣痛隱而賤桓後宋督弑其君

師古曰宗華父督為太宰弑殤

公事在桓公二年

諸侯會將討之

師古曰謂齊陳鄭也

桓受宋賂而歸

師古

曰謂都大鼎

又背宋諸侯由是伐魯仍交兵結讎伏尸流血

百姓愈怨

師古曰桓會宋公者五與宋公燕人盟已而背盟伐宋宋公燕人怨而求助齊衛助之桓

公懼而會紀侯鄭伯及四國之師大戰

故十三年夏復大水一曰夫人驕

淫將弑君陰氣盛桓不寤卒弑死劉歆以為桓易許田

不祀周公

師古曰許田魯朝宿之邑而有周公別廟桓既篡位遂以許田與鄭而取鄭之祊田故云

不祀廢祭祀之罰也嚴公七年秋大水亡麥苗董仲舒

劉向以為嚴母文姜與兄齊襄公淫共殺桓公嚴釋父
讎復取齊女未入先與之淫一年再出會於道逆亂臣
下賤之之應也十一年秋宋大水董仲舒以為時魯宋

比年為乘丘鄆之戰

師古曰比年頻年也莊十年公敗宋師于乘丘十一年公敗宋師于

鄆乘丘鄆魯地鄆音子移反

百姓愁怨陰氣盛故二國俱水劉向以

為時宋愍公驕慢睹災不改明年與其臣宋萬博戲婦

人在側矜而罵萬萬殺公之應

師古曰萬宋大夫也戰敗獲于魯復歸宋又為

大夫與愍公博婦人在側萬曰甚矣魯侯之淑魯侯之美天下諸侯宜為君者唯魯侯耳愍公矜此婦人妒其

言顧曰此虜也爾虜焉故魯侯之美惡乎至
萬怒搏慙公絕其脰而死事在莊十二年
二十四年

大水董仲舒以為夫人哀姜淫亂不婦陰氣盛也劉向

以為哀姜初入公使大夫宗婦見用幣

師古曰宗婦同姓之婦也大夫

妻及宗婦見夫人者皆令執幣是踰禮也

又淫於二叔公弗能禁臣下賤之

故是歲明年仍大水劉歆以為先是嚴飾宗廟刻桷丹

楹以夸夫人

臣瓚曰桷棟也韋昭曰楹柱也師古曰莊公二十三年丹桓宮楹二十四年刻桓宮

桷將迎夫人故為盛飾

簡宗廟之罰也

師古曰簡慢也

宣公十年秋大水

饑董仲舒以為時比伐邾取邑

師古曰比頻也九年秋取根牟公羊傳曰根牟

者何邾婁之邑也十年公孫歸父帥師伐邾取繹故云比年也

亦見報復兵讎連結百

姓愁怨劉向以為宣公殺子赤而立子赤齊出也

師古曰赤

母姜氏赤死姜氏大歸齊市人皆哭魯人謂之哀姜

故懼以濟西田賂齊

師古曰宣既即

位與齊侯會于平州以定其位元年六月齊人取濟西田為立公故以賂齊也

邾子纘且亦齊

出也

師古曰纘且邾文公之子邾定公也亦齊女所生纘音俱碧反又音纘且音子余反

而宣比

與邾交兵

師古曰比頻也

臣下懼齊之威創邾之旼

師古曰創旼父也音

初亮反

皆賤公行而非其正也成公五年秋大水董仲舒

劉向以為時成幼弱政在大夫前此一年再用師

師古曰成

三年春公會晉侯宋公衛侯曹伯
代鄭秋叔孫僑如帥師圍棘是也
明年復城鄆以彊私

家

師古曰四年城鄆
鄭季氏邑音運

仲孫蔑叔孫僑如顓會宋晉陰勝

陽

師古曰仲孫蔑孟獻子也成五年春仲孫蔑如宋夏
叔孫僑如會晉荀首于穀顓與專同專者不稟命於

公

襄公二十四年秋大水董仲舒以為先是一年齊伐

晉襄使大夫帥師救晉

師古曰襄二十三年秋齊伐衛
遂伐晉八月叔孫豹帥師救晉

次于
雍榆

後又侵齊

師古曰二十四年
仲孫羯帥師侵齊

國小兵弱數敵彊大

百姓愁怨陰氣盛劉向以為先是襄慢鄰國是以邾伐

其南

師古曰十五年邾
人伐我南鄙是也

齊伐其北

師古曰十六年齊
人伐我北鄙是也

莒

伐其東

師古曰十二年營人伐我東鄙是也

百姓騷動後又仍犯疆齊也

師古曰十八年公會晉侯宋公衛侯鄭伯同圍齊二十三年救晉二十四年又侵齊是重犯也

大水饑

穀不成其災甚也高后三年夏漢中南郡大水水出流

四千餘家四年秋河南大水伊雒流千六百餘家汝水

流八百餘家八年夏漢中南郡水復出流六千餘家南

陽沔水流萬餘家

師古曰沔漢水上也音彌善反

是時女主獨治諸

呂相王文帝後三年秋大雨晝夜不絕三十五日藍田

山水出流九百餘家燕壤民室八千餘所殺三百餘人

先是趙人新垣平以望氣得幸為上立渭陽五帝廟欲

出周鼎以夏四月郊見上帝

師古曰事並見郊祀志

歲餘懼誅謀

為逆發覺要斬夷三族是時比再遣公主配單于賂遺

甚厚

師古曰比頻也高祖使劉敬奉宗室女翁主為冒頓單于閼氏冒頓死其子老上單于初立文帝復

遣宗室女為

單于閼氏匈奴愈驕侵犯北邊殺略多至萬餘人漢

連發軍征討戍邊元帝永光五年夏及秋大水潁川汝

南淮陽廬江雨壞鄉聚民舍及水流殺人先是一年有

司奏罷郡國廟是歲又定迭毀

師古曰親盡則毀故云迭毀事在章立成傳

欽定四庫全書

前漢書
卷二十七上

罷太上皇孝惠帝寢廟皆無復修通儒以為違古制刑

臣石顯用事

師古曰石顯宦者故曰刑臣

成帝建始三年夏大水三

輔霖雨三十餘日郡國十九雨山谷水出凡殺四千餘

人壞官寺民舍八萬三千餘所元年有司奏徙甘泉泰

畤河東后土于長安南北郊二年又罷雍五畤郡國諸

舊祀凡六所

前漢書卷二十七上

前漢書卷二十七上考證

五行志上禹治洪水賜雒書法而陳之洪範是也○臣

召南

按易大傳曰河出圖洛出書聖人則之是言圖

書二者皆出于伏羲之世故則之以畫八卦即尚書
本文祇云天乃錫禹洪範九疇不云錫禹以洛書亦
不云禹因洛書陳洪範也以洛書為洪範始于孔安
國書傳而劉歆父子又言之後儒遂依其說

登車有和鸞之節注亦以金為鸞鳥而栖衡銜鈴焉○

銜監本訛銜從宋本改

春秋火災屢於定哀之間○定哀監本作哀定非也今

改正

征和二春涿郡鐵官鑄鐵鐵銷皆飛上去○宋祁曰

鐵鐵疑作錢錢○臣召南按此條及下成帝河平二

年正月沛郡鐵官鑄鐵鐵不下其事正同宋祁並疑

鑄鐵當作鑄錢非也元狩五年以後令天下非三官

錢不行安得有外郡鑄錢之事雖涿郡鐵飛武紀不

載而涿郡有鐵官地理志有明文矣至河平沛郡鐵散則孝成紀亦載其事不得疑鐵字為錢字之訛也則土失其性無水旱之災而草木百穀不孰○無監本訛有從宋本改

嚴公二十八年冬大水亡麥禾董仲舒云云○臣召南

按經但云大無麥禾三家所同並無大水水字故劉向以屬土不稼穡然玩董仲舒說又似公羊經有大水之文乃今本公羊亦無水字何也

於是晉侯方築虎祁之宮注在絳西臨汾縣○絳監本

訛鋒今改正

嚴公七年秋大水亡麥苗○苗監本訛田今改正

前漢書卷二十七上考證

欽定四庫全書

史部

前漢書卷二十七中之下

詳校官侍讀臣陳萬青

洗馬臣王坦修覆勘

覆校官中書臣馮培

校對官中書臣王璵

謄錄監生臣蔡炎林

欽定四庫全書

前漢書卷二十七中之上

漢 蘭

臺

令

史班

固撰

唐正議大夫行秘書少監琅邪縣開國子顏師古注

五行志第七中之上

經曰羞用五事五事一曰貌二曰言三曰視四曰聽五

曰思貌曰恭言曰從視曰明聽曰聰思曰容應劭曰容通也古文

作恭作肅從作父師古曰父讀曰又明作愬聰作謀應

曰上聰則下謀
故聽為謀也

容作聖

張晏曰容通達以至於聖

休徵

孟康曰善行之驗也

曰

肅時雨若

應劭曰居上而敬則雨順之

艾時陽若

應劭曰君政治則陽順之

愆時

與若

應劭曰愆明也師古曰與讀曰燠燠溫也音於六反

謀時寒若聖時風若

古師

曰凡言時者皆謂行得其道則寒暑風雨以時應而順之

咎徵

師古曰言惡行之驗

曰狂恒雨

若僭恒陽若

應劭曰僭差僭

舒恒與若急恒寒若霧恒風若

虔服

曰霧音人僭霧應劭曰人君蔽霧鄙吝則風不順之也師古曰凡言恒者謂所行者失道則寒暑風雨不時而

恒久為災也霧音莫豆反僭蔽並音構又音寇

傳曰貌之不恭是謂不肅厥咎狂厥罰恒雨厥極惡時

則有服妖時則有龜孽

師古曰孽音魚列反其下並同

時則有雞駝

師古

曰駝與禍同

時則有下體生上之病

韋昭曰若牛之足反出背上下欲伐上之禍也

師古曰病音阿

時則有青眚青祥

李奇曰內曰青外曰祥

唯金沴木

服虔曰沴

害也如淳曰沴音拂戾之戾義亦同

說曰凡草木之類謂之妖妖猶天胎

言尚微

師古曰天音烏老反

蟲豸之類謂之孽

師古曰有足謂之蟲無足謂之豸

孽則牙孽矣及六畜謂之駝言其著也及人謂之病病

病貌言瘳深也甚則異物生謂之眚自外來謂之祥祥

猶禎也氣相傷謂之沴沴猶臨莅不和意也每一事云

時則以絕之言非必俱至或有或亡或在前或在後也
孝武時夏侯始昌通五經善推五行傳以傳族子夏侯
勝下及許商皆以教所賢弟子其傳與劉向同唯劉歆
傳獨異貌之不恭是謂不肅肅敬也內曰恭外曰敬人
君行己體貌不恭怠慢驕蹇則不能敬萬事失在狂易
故其咎狂也師古曰狂易謂狂而易其常性上慢下暴則陰氣勝故其
罰常雨也水傷百穀衣食不足則姦軌並作故其極惡
也一曰民多被刑或形貌醜惡亦是也風俗狂慢變節

易度則為剽輕奇怪之服

師古曰剽音匹妙反

故有服妖水類動

故有龜孽

如淳曰河魚大上以為魚孽之比

於易巽為雞雞有冠距文

武之貌不為威儀貌氣毀故有雞旤一曰水歲雞多死

及為怪亦是也上失威儀則下有彊臣害君上者故有

下體生於上之病木色青故有青青祥凡貌傷者病

木氣木氣病則金沴之衝氣相通也於易震在東方為

春為木也兌在西方為秋為金也離在南方為夏為火

也坎在北方為冬為水也春與秋日夜分寒暑平是以

金木之氣易以相變故貌傷則致秋陰常雨言傷則致春陽常旱也至於冬夏日夜相反寒暑殊絕水火之氣不得相併故視傷常與聽傷常寒者其氣然也逆之其

極曰惡順之其福曰攸好德

孟康曰政不順則致妖順則致福也師古曰攸所也

所好者德也

劉歆貌傳曰有鱗蟲之孽羊豕鼻病說以為於

天文東方辰為龍星故為鱗蟲於易兌為羊木為金所病故致羊豕與常雨同應此說非是春與秋氣陰陽相敵木病金盛故能相并唯此一事耳豕與妖病祥眚同

類不得獨異史記

師古曰此志凡稱史記者皆謂司馬遷所撰也

成公十六年

公會諸侯于周單襄公見晉厲公視遠步高

師古曰單襄公周卿

士單子朝也晉厲公景公之子也名州蒲單音善

告公曰晉將有亂魯侯曰敢

問天道也抑人故也對曰吾非瞽史

師古曰瞽樂太師史太史焉知

天道吾見晉君之容殆必禍者也夫君子目以定體足

以從之

師古曰體定則目安足之進退皆無違也

是以觀其容而知其心矣

目以處誼足以步目

師古曰視瞻得其宜行步中其節也

晉侯視遠而足

高目不在體而足不步目其心必異矣目體不相從何

以能久夫合諸侯民之大事也於是虜觀存亡故國將

無咎其君在會步言視聽必皆無謫則可以知德矣師古

曰謫責也無謫謂得其義理無可咎責也視遠曰絕其誼足高曰棄其德言

爽曰反其信師古曰聽淫曰離其名師古曰夫目以處

誼足以踐德師古曰踐履也口以庇信師古曰庇覆也

信耳以聽名者也故不可不慎偏喪有咎師古曰苟喪其一則有咎

既喪則國從之師古曰既盡也若晉侯爽二吾是以云

張晏曰視遠一也步高二也後二年晉人殺厲公凡此屬皆貌不恭

之咎云左氏傳桓公十三年楚屈瑕伐羅鬬伯比送之

師古曰屈瑕即莫囂也鬬伯比楚大夫羅國名在南郡枝江西還謂其馭曰莫囂必敗

師古曰莫囂楚官名也字或作敖其音同舉止高心不固矣師古曰止足也遽見楚

子以告師古曰遽速也楚子使賴人追之弗及莫囂行遂無次

且不設備師古曰無次不為次列也及羅羅人軍之大敗莫囂縊死

釐公十一年周使內史過賜晉惠公命師古曰內史過周大夫晉惠公

夷吾也諸侯即位天受玉惰師古曰不敬其事也過歸告王曰晉

侯其無後乎王賜之命而惰於受瑞先自棄也已其何

繼之有禮國之幹也敬禮之興也

師古曰無禮則國不立故謂之幹無敬則

禮不行故比之於興

不敬則禮不行禮不行則上下昏何以長世

二十一年晉惠公卒子懷公立晉人殺之更立文公成

公十三年晉侯使卻錡乞師于魯將事不敬

師古曰卻錡音大

駒伯也乞師欲以伐秦也將事致其君命也錡音牛爾反

孟獻子曰卻氏其亡虘

師古

曰孟獻子仲孫蔑也

禮身之幹也敬身之基也

師古曰無禮則身不立不敬則身不

安也

卻子無基且先君之嗣卿也受命以求師將社稷是

衛而惰棄君命也不亡何為十七年卻氏亡成公十三

年諸侯朝王遂從劉康公伐秦成肅公受脤于社不敬

服虔曰脤祭社之肉也盛以蠡器故謂之脤師古曰劉康公成肅公皆周大夫也脤讀與蠡同以出師而祭社謂之宜脤者即宜社之肉也蠡大蛤也音上忍反劉子曰吾聞之曰民受天地

之中以生所謂命也

師古曰劉子即康公也中謂中和之氣

是以有禮義

動作威儀之則以定命也能者養以之福不能者敗以

取禍

師古曰之往也能養生者則定禮義威儀自致於福不能者則喪之以取禍亂

是故君子

勤禮小人盡力勤禮莫如致敬盡力莫如惇篤敬在養

神篤在守業國之大事在祀與戎祀有執燔戎有受脤

應劭曰膳祭肉也師
古曰膳音扶元反

神之大節也

師古曰交神之節

今成子情

棄其命矣其不反虜五月成肅公卒成公十四年衛定

公享苦成叔甯惠子相

師古曰定公名臧苦成叔晉大夫卻犇也晉使卻犇如衛故定

公享之惠子衛大夫甯殖也相謂贊相其禮

苦成叔教

師古曰教讀曰傲其下並同

甯子

曰苦成家其亡虜古之為享食也以觀威儀省馮福也

師古曰食讀曰飮

故詩曰兕觥其觶旨酒思柔匪傲匪傲萬福

來求

張晏曰觥罰爵也飲酒和柔無失禮可罰罰爵徒觶然而已應劭曰言在位者不傲訐不倨傲也師

古曰小雅桑扈之詩也傲謂傲幸也萬福言其多也謂飲酒者不傲倖不傲慢則福祿就而求之也觶音蚪傲

音工 今夫子傲取翫之道也後三年苦成家亡師古曰十七年

晉攻郤氏長魚矯以戈殺郤錡郤犨郤至而滅其家襄公七年衛孫文子聘于魯

君登亦登師古曰文子衛大夫孫林父也禮之登階臣後君一等叔孫穆子相師古

曰穆子叔孫豹趨進曰諸侯之會寡君未嘗後衛君今吾子不

後寡君寡君未知所過吾子其少安師古曰安徐也孫子亡辭

亦亡悛容師古曰悛改也音千金反穆子曰孫子必亡為臣而君過

而不悛亡之本也十四年孫子逐其君而外叛師古曰逐其君

謂衛獻公出奔齊也襄公二十八年蔡景侯歸自晉入

于鄭

師古曰景侯名國文侯之子也

鄭伯享之不敬子產曰蔡君其不

免虐

師古曰言不免於禍

日其過此也君使子展往勞于東門而

教

師古曰日謂往日始適晉之時也子展鄭大夫公孫舍之

吾曰猶將更之

師古曰更改也

今還受享而惰廼其心也

師古曰言心之所常行也

君小國事大國

師古曰言身為小國之君而事于大國

而惰教以為已心將得死虐君若

不免必由其子淫而不父

師古曰通太子之妻

如是者必有子旤

三十年為世子般所殺

師古曰般讀與班同

襄公三十一年公薨

季武子將立公子稠

師古曰稠襄公之子齊歸所生稠音直留反

穆叔曰是

人也居喪而不哀在感而有嘉容是謂不度不度之人

鮮不為患

師古曰穆叔即叔孫穆子也不度不遵禮度也

若果立必為季氏憂

武子弗聽卒立之比及葬三易衰衰社如故衰

師古曰衣前曰

衽言游戲無已也比音必寐反衰音千回反衽音人禁反

是為昭公立二十五年聽

讒攻季氏兵敗出奔死于外

師古曰謂薨于乾侯

襄公三十一年

衛北宮文子見楚令尹圍之儀

師古曰北宮文子衛大夫也名佗令尹圍即公

子圍楚恭王之子也時為令尹文子從衛侯在楚故見之

言於衛侯曰令尹似君矣

將有它志

師古曰謂有為君之心言語視瞻非其常

雖獲其志弗能終也公

曰子何以知之對曰詩云敬慎威儀惟民之則

師古曰大雅抑

之詩也則法也言君能慎其威儀乃臣下所法效之

令尹無威儀民無則焉民所

不則以在民上不可以終

師古曰遂以殺君篡國而取敗於乾谿也

昭公十

一年夏周單子會于戚

師古曰單子周大夫戚成公也戚衛地

視下言徐

應劭曰視下視不登帶言徐不聞於表著

晉叔向曰單子其死虐

師古曰叔向晉大夫

羊舌肸也向音許兩反

朝有著定

師古曰朝內列位有定處所謂表著者也著音直庶反又音除

會有表

師古曰會於野設表以為位

衣有襜帶

師古曰有結交會也結紳帶

之結也襜音工外反

會朝之言必聞于表著之位所以昭事序也

視不過結禮之中所以道容貌也

師古曰道讀曰導其下並同

言以

命之容貌以明之失則有闕今單子為王官伯

師古曰伯長也

而命事於會視不登帶言不過步貌不道容而言不昭

矣不道不恭不昭不從無守氣矣

師古曰貌正曰恭言正曰從

十二

月單成公卒昭公二十一年三月葬蔡平公蔡太子朱

失位位在卑

師古曰不在正嫡之位而以長幼序之

魯大夫送葬者歸告

昭子

師古曰昭子叔孫婁

昭子歎曰蔡其亡虘若不亡是君也必

不終詩曰不解於位民之攸墜

師古曰大雅假樂之詩也墜息也言在上者能

率位不急則其臣下恃以安
息也解讀曰懈墜音許既反
今始即位而適卑身將從

之十月蔡侯朱出奔楚晉魏舒合諸侯之大夫于翟泉

應劭曰水名今洛陽是也師古曰魏舒晉卿
魏獻子也事在定公元年志不書者蓋闕文將以城成

周魏子泣政師古曰謂代天子大衛彪僖曰將建天子

而易位以令非誼也師古曰僖衛大夫建天子大事奸

誼必有大咎師古曰奸晉不失諸侯魏子其不免虜是

行也魏獻子屬役於韓簡子師古曰簡子亦晉卿韓不

也而田於大陸焚焉而死師古曰高平曰陸因放定公

火田獵而見燒殺也

十五年邾隱公朝於魯執玉高其容仰公受玉卑其容

俯

師古曰隱公邾子益也玉謂朝者之贄

子贛觀焉

師古曰子贛孔子弟子端木賜也贛音貢

曰以禮觀之二君者皆有死亡焉夫禮死生存亡之體

也將左右周旋進退俯仰於是虘取之朝祀喪戎於是

虘觀之今正月相朝而皆不度心已亡矣

師古曰不度不合法度

嘉事不體何以能久

師古曰嘉事嘉禮之事謂朝祀也不體不得身體之節

高仰

驕也卑俯替也

師古曰替廢情也

驕近亂替近疾君為主其先

亡虘

師古曰是年五月定公薨哀公七年秋伐邾以邾子益來也

庶徵之恒雨劉歆

以為春秋大雨也劉向以為大水隱公九年三月癸酉

大雨震電庚辰大雨雪

師古曰雨雪音于具反

大雨雨水也

師古曰下

雨音于具反後類並同

震雷也劉歆以為三月癸酉於歷數春分

後一日始震電之時也當雨而不當大雨大雨常雨之

罰也於始震電八日之間而大雨雪常寒之罰也劉向

以為周三月今正月也當雨水雪雜雨雷電未可以發

也既已發也則雪不當復降皆失節故謂之異於易雷

以二月出其卦曰豫

師古曰坤下震上也

言萬物隨雷出地皆逸

豫也以八月入其卦曰歸妹

師古曰兌下震上也

言雷復歸入地

則孕毓根核保藏蟄蟲

師古曰毓字與育同核亦莖字也草根曰莖音該

避盛

陰之害出地則養長華實發揚隱伏宣盛陽之德入能

除害出能興利人君之象也是時隱以弟桓幼入而攝

立公子翬見隱居位已久勸之遂立

師古曰公子翬魯大夫羽父也勸殺

桓公以求為太宰翬音揮

隱既不許翬懼而易其辭

師古曰反謂桓公云隱欲殺之

遂與桓共殺隱天見其將然故正月大雨水而雷電是陽不閉陰出涉危難而害萬物天戒若曰為君失時賊

弟佞臣將作亂矣後八日大雨雪陰見間隙而勝陽篡殺之既將成也公不寤後二年而殺昭帝始元元年七月大水雨自七月至十月成帝建始三年秋大雨三十餘日四年九月大雨十餘日左氏傳愍公二年晉獻公使太子申生帥師師古曰以伐東山舉落氏公衣之偏衣佩之金玦師古曰偏衣謂左右異色其半象公之服也金玦以金為玦也半環曰玦狐突歎曰時事之徵也衣身之章也佩衷之旗也師古曰狐突晉大夫伯行時為太子御戎也徵證也章明也旗表也衣所以明貴賤佩所以表中心故敬其事則命以始師古曰賞以春

夏服其身則衣之純

師古曰壹其色

用其衷則佩之度

師古曰佩玉者

君子之常度○劉奉世曰欲表其衷則當佩之使合法度世子佩瑜玉而綦組綬

今命以時卒

閱其事也

師古曰卒盡也閱閉也謂十二月盡時也

衣以龙服遠其躬也

師古

曰龙雜色也謂偏衣也遠音于萬反其下並同

佩以金玦棄其衷也服以遠之

時以閱之龙凉冬殺金寒玦離胡可恃也

師古曰凉薄也龙色不能

純故曰薄也冬主殺氣金行在西是謂之寒玦形半缺故云離

梁餘子養曰帥師者受

命于廟受脤於社有常服矣

師古曰梁餘子養晉大夫也時為下軍御軍之常服

則韋弁

弗獲而龙命可知也死而不孝不如逃之罕夷曰

尤奇無常金玦不復君有心矣

應劭曰奇奇怪非常意復反也金玦猶決去不

反意也師古曰罕夷晉大夫時為下軍卿也有心害太子之心也復音扶目反後四年申生以

讒自殺近服妖也左氏傳曰鄭子臧好聚鵠冠

張晏曰鵠鳥赤

足黃文以其毛飾冠常昭曰鵠今翠鳥也師古曰子臧鄭文公子也鵠大鳥即戰國策所云啄蚌者也天之將雨鵠則知之翠鳥自有鵠名而此飾冠非翠鳥也逸周書曰知天文者冠鵠冠蓋以鵠鳥知天時故也禮圖謂之術氏冠鵠鄭文公惡之使盜殺之

師古曰時已得罪出奔宋故使盜殺

之於陳劉向以為近服妖者也一曰非獨為子臧之身

亦文公之戒也初文公不禮晉文

師古曰晉文公之為公子也避驪姬之難

而奔欲之楚又犯天子命而伐滑師古曰僖二十四年鄭公子士洩及

堵俞彌帥師伐滑王使伯服游孫伯如鄭請滑鄭伯不聽而執二子不尊尊敬上其後晉

文伐鄭幾亡國師古曰僖三十年晉侯秦伯圍鄭佚之狐曰國危矣使燭之武見秦伯師乃退

也昭帝時昌邑王賀遣中大夫之長安多治仄注冠劬應

曰今法冠是也李奇曰一曰高山冠本齊冠也謂者服之師古曰仄古側字也謂之側注者言形側立而下注

也蔡邕云高九寸鐵為卷非以賜大臣又以冠奴劉向

以為近服妖也時王賀狂悖聞天子不豫師古曰言有疾不悅豫也

周書顧命曰弋獵馳騁如故與騶奴宰人游居娛戲驕

嫚不敬

師古曰駙廐御也宰人主膳者也娛樂也戲音僖

冠者尊服奴者賤人

賀無故好作非常之冠暴尊象也以冠奴者當自至尊

墜至賤也其後帝崩無子漢大臣徵賀為嗣即位狂悖

無道縛戮諫者夏侯勝等於是大臣白皇太后廢賀為

庶人賀為王時又見大白狗冠方山冠而無尾

鄧展曰方山冠

以五采穀為之樂舞人所服

此服妖亦犬豕也賀以問郎中令龔遂

遂曰此天戒言在仄者盡冠狗也

師古曰言王左右侍側之人不識禮義若

狗而著冠者耳冠音工喚反其下亦同

去之則存不去則亡矣賀既廢數

年宣帝封之為列侯復有臯死不得置後又犬豕無尾

之效也京房易傳曰行不順厥咎人奴冠天下亂辟無

適

如淳曰辟君也適適子也

妾子拜

如淳曰無適子故也

又曰君不正臣欲篡

厥妖狗冠出朝門成帝鴻嘉永始之間好為微行出游

選從期門郎有材力者及私奴客多至十餘少五六人

皆白衣袒幘

師古曰袒幘不加上冠

帶持刀劍或乘小車御者在

茵上

蘇林曰茵車上蓐也御者錯亂更在茵上坐也師古曰車小故御者不得迴避而在天子茵上也

或皆騎出入市里郊野遠至旁縣時大臣車騎將軍王

音及劉向等數以切諫谷永曰易稱得臣無家

師古曰損卦上

九爻辭

言王者臣天下無私家也今陛下棄萬乘之至貴

樂家人之賤事厭高美之尊稱好匹夫之卑字

如淳曰稱張放

家人是為卑字師古曰為微行故變易姓名

崇聚票輕無誼之人以為私客

師古曰票音匹妙反又音頻妙反

置私田於民間畜私奴車馬於北宮

數去南面之尊離深宮之固挺身獨與小人晨夜相隨

師古曰挺引也

烏集醉飽吏民之家

師古曰乍合作離如鳥之集

亂服共坐

溷肴亡別

師古曰溷肴謂雜亂也溷音胡困反

閑勉遜樂晝夜在路

師古曰閑

勉猶黽勉言不息也
遯樂言流遯為樂也
典門戶奉宿衛之臣執干戈守空

宮公卿百寮不知陛下所在積數年矣昔虢公為無道

有神降曰賜爾土田

師古曰春秋左氏傳莊公三十二年有神降于莘虢公使祝應宗區

史囂享焉神賜之土田史囂曰號其亡乎言將以庶人受土田也諸侯夢得

土田為失國祥

師古曰僖五年晉滅虢虢公醜奔京師

而況王者畜私田

財物為庶人之事乎左氏傳曰周景王時大夫賓起見

雄雞自斷其尾

師古曰賓起即賓孟

劉向以為近雞旣也是時王

有愛子子鼂王與賓起陰謀欲立之

師古曰子鼂王之庶長子

田于

北山將因兵衆殺適子之黨

師古曰適讀曰嫡嫡子王子猛及後為悼王子猛之

黨謂劉獻公單穆公

未及而崩三子爭國王室大亂其後賓起誅

死

師古曰三子謂子鼂子猛及子猛弟敬王丐也劉子遂攻賓起殺之事並在昭二十二年

子鼂奔

楚而敗

師古曰昭二十六年邵伯盈逐王子鼂子鼂奔楚定公五年王人殺之于楚

京房易

傳曰有始無終厥妖雄雞自齧斷其尾宣帝黃龍元年

未央殿輅軫中雌雞化為雄

孟康曰輅軫廐名也師古曰百官表太僕屬官有輅

軫丞輅與路同軫音零

毛衣變化而不鳴不將無距

師古曰將謂率領其羣也

距雞附足骨關時所用刺之

元帝初元中丞相府史家雌雞伏子漸

化為雄

師古曰初尚伏子後乃稍
稍化為雄也伏音房富反

冠距鳴將永光中有

獻雄雞生角者京房易傳曰雞知時知時者當死房以

為已知時恐當之劉向以為房失雞占雞者小畜主司

時起居人

師古曰至時而鳴
以為人起居之節

小臣執事為政之象也言

小臣將秉君威以害正事猶石顯也竟寧元年石顯伏

辜此其效也一曰石顯何足以當此昔武王伐殷至于

牧豎誓師曰古人有言曰牝雞無晨牝雞之晨惟家之

索今殷王紂惟婦言用

師古曰周書牧誓之辭晨謂晨
時鳴也索盡也言婦人為政猶

雌雞而代雄鳴是喪家之道也繇是論之黃龍初元永光雞變廼國家

之占妃后象也孝元王皇后以甘露二年生男立為太子妃王禁女也黃龍元年宣帝崩太子立是為元帝王妃將為皇后故是歲未央殿中雌雞為雄明其占在正宮也不鳴不將無距貴始萌而尊未成也至元帝初元元年將立王皇后先以為婕妤三月癸卯制書曰其封婕妤父丞相少史王禁為陽平侯位特進丙午立王婕妤為皇后明年正月立皇后子為太子故應是丞相府

史家雌雞為雄其占即丞相少史之女也伏子者明已

有子也冠距鳴將者尊已成也永光二年陽平頃侯禁

薨子鳳嗣侯為侍中衛尉元帝崩皇太子立是為成帝

尊皇后為皇太后以后弟鳳為大司馬大將軍領尚書

事上委政無所與師古曰與讀曰豫言政皆出鳳天子不豫王氏之權自鳳

起故於鳳始受爵位時雄雞有角明視作威師古曰視讀曰示

顯君害上師古曰顯與專同其下類此危國者從此人始也其後羣

弟世權以至於莽遂篡天下即位五年王太后廼崩此

其效也京房易傳曰賢者居明夷之世知時而傷

師古曰易

之明夷卦曰明入地中明夷夷傷也離下坤上言日在地中傷其明也知時謂知天時者也賢而被傷故取明

夷之義

或衆在位

師古曰言虛偽無實之人矯惑於衆在職位也

厥妖雞生角雞

生角時主獨又曰婦人顓政國不靜牝雞雄鳴主不榮

故房以為已亦在占中矣成公七年正月鼯鼠食郊牛

角

師古曰鼯小鼠也即今所謂甘鼠者音奚

改卜牛又食其角劉向以為近

青祥亦牛旤也不敬而備霽之所致也昔周公制禮樂

成周道故成王命魯郊祀天地以尊周公至成公時三

家始顓政魯將從此衰天愍周公之德痛其將有敗亡之旤故於郊祭而見戒云鼠小蟲性盜竊鼯又其小者也牛大畜祭天尊物也角兵象在上君威也小小鼯鼠食至尊之牛角象季氏乃陪臣盜竊之人將執國命以傷君威而害周公之祀也改卜牛鼯鼠又食其角天重語之也師古曰重音直用反成公怠慢昏亂遂君臣更執于晉師古曰更互也十年秋公如晉晉人以公為貳於楚故止公至十一年三月乃得歸十六年秋公會晉侯于沙隨晉受叔孫僑如之譖而止公是年九月又信僑如之譖執季孫行父舍之于茗丘十二月乃得歸故云君臣更執

也更音工衛反

至于襄公晉為溴梁之會

師古曰襄十六年晉平公會諸侯于溴梁

溴梁者溴水之梁也溴水出河內軹縣東南至溫入河溴音工覓反

天下大夫皆奪君政

師古曰溴梁之會諸侯皆在而魯叔孫豹晉荀偃宋向戌衛甯殖鄭公孫蠆小邾之大夫盟是奪其君政也

其後三家逐昭公卒死于外

師古曰已解于上

幾絕周公之祀

董仲舒以為魍鼠食郊牛皆養牲不謹也京房易傳曰

祭天不慎厥妖魍鼠齧郊牛角定公十五年正月魍鼠

食郊牛牛死劉向以為定公知李氏逐昭公梟惡如彼

親用孔子為夾谷之會齊人俅歸鄆謹龜陰之田

師古曰夾

谷齊地也一名祝其定公十年公與齊侯會于夾谷齊侯欲使萊人以兵劫公孔子以公退命士衆兵之齊侯乃止又欲以盟要公孔子不欲使茲無還以辭對又欲詐享公孔子又距而不受於是齊人乃服先是季氏之臣陽虎以鄆讎龜陰之田奔齊至此會乃以歸我鄆讎二邑名龜陰龜山之陰夾音頰讎音驩聖德如

此反用季桓子淫於女樂而退孔子無道甚矣

師古曰桓子季

平子之子季孫斯也女樂已解于上

詩曰人而亡儀不死何為

師古曰衛詩相鼠之

篇也亡儀無禮儀也

是歲五月定公薨牛死之應也京房易傳曰

子不子鼠食其郊牛哀公元年正月鼯鼠食郊牛劉向以為天意汲汲於用聖人逐三家故復見戒也哀公年

少不親見昭公之事故見敗亡之異已而哀不寤身奔

於粵此其效也

師古曰哀二十七年公欲以越伐魯而去三桓公如公孫有山氏因遜于邾遂

如越國人施罪於公孫有山氏而立哀公之子悼公

昭帝元鳳元年九月燕有黃

鼠銜其尾舞王宮端門中

師古曰宮之正門

王往視之鼠舞如

故王使吏以酒脯祠鼠舞不休一日一夜死近黃祥時

燕刺王旦謀反將死之象也其月發覺伏辜京房易傳

曰誅不原情厥妖鼠舞門

師古曰不原情者不得其本情

成帝建始四

年九月長安城南有鼠銜黃蒿栢葉上民冢栢及榆樹

上為巢桐栢尤多

師古曰桐栢本亭名衛思后於其地葬也

巢中無子皆有

乾鼠矢數十時議臣以為恐有水災鼠盜竊小蟲夜出
晝匿今晝去穴而登木象賤人將居顯貴之位也桐栢
衛思后園所在也其後趙皇后自微賤登至尊與衛后
同類趙后終無子而為害明年有鳶焚巢殺子之異也
天象仍見甚可畏也一曰皆王莽竊位之象云京房易
傳曰臣私祿罔辟

李奇曰辟君也擅私爵祿誣罔其君

厥妖鼠巢文公十

三年太室屋壞近金沚木木動也先是冬釐公薨十六

月廼作主

師古曰主廟主也僖公三十三年十二月薨至文二年二月廼作主間有一閏故十六月

也

後六月又吉禘於太廟而致釐公

師古曰禘祭也一而祭之文二年

八月而禘距作主六月也致謂升其主於廟

春秋譏之經曰大事於太廟躋

釐公

師古曰躋音子奚反又音子詣反

左氏說曰太廟周公之廟饗有

禮義者也祀國之大事也惡其亂國之大事於太廟故

言大事也躋登也登釐公於愍公上逆祀也釐雖愍之

庶兄嘗為愍臣臣子一例不得在愍上又未三年而吉

禘前後亂賢父聖祖之大禮內為貌不恭而狂外為言

不從而僭故是歲自十二月不雨至于秋七月後年若

是者三而太室屋壞矣前堂曰太廟中央曰太室屋其

上重屋尊高者也象魯自是陵夷將墮周公之祀也

師古

曰墮毀也音火規反穀梁公羊經曰世室魯公伯禽之廟也周公

稱太廟魯公稱世室大事者祫祭也

師古曰祫合也毀廟及未毀廟之主

皆合祭於太祖躋釐公者先禰後祖也景帝三年十二月吳二

城門自傾大船自覆劉向以為近金沚木木動也先是

吳王濞以太子死於漢稱疾不朝陰與楚王戊謀為逆

亂城猶國也其一門名曰楚門一門曰魚門吳地以船
為家以魚為食天戒若曰與楚所謀傾國覆家吳王不
寤正月與楚俱起兵身死國亡京房易傳曰上下咸諄

厥妖城門壞

師古曰諄惑也音布內反

宣帝時大司馬霍禹所居第

門自壞時禹內不順外不敬見戒不改卒受滅亡之誅

哀帝時大司馬董賢第門自壞時賢以私愛居大位賞

賜無度驕嫚不敬大失臣道見戒不改後賢夫妻自殺

家徙合浦

傳曰言之不從是謂不艾厥咎僭厥罰恒陽厥極憂時
則有詩妖時則有介蟲之孽時則有犬豕時則有口舌
之疴時則有白青白祥惟木沴金言之不從從順也是
謂不乂乂治也孔子曰君子居其室出其言不善則千
里之外違之况其邇者虤師古曰易上繫之辭也邇近也詩云如蜩如
蟬如沸如羹師古曰大雅蕩之詩也蜩蟬也蟬蜩也即
鳴湯之沸滄羹之將孰也蜩音調蟬音言上號令不順
唐蟬音偃蜩音貂蟬音聊滄音下館反
民心虛譁憤亂則不能治海內失在過差故其咎僭僭

差也刑罰妄加羣陰不附則陽氣勝故其罰常陽也旱傷百穀則有寇難上下俱憂故其極憂也君炕陽而暴

虐

師古曰凡言炕陽者枯涸之意謂無惠澤於下也炕音口浪反

臣畏刑而柑口

師古曰柑

簡也音其廉反簡音女涉反

則怨謗之氣發於謠謠故有詩妖介蟲

孽者謂小蟲有甲飛揚之類陽氣所生也於春秋為蝻今謂之蝗皆其類也於易兌為口犬以吠守而不可信言氣毀故有犬旤一曰旱歲犬多狂死及為怪亦是也及人則多病口喉欬者故有口舌疴金色白故有白眚

白祥凡言傷者病金氣金氣病則木沴之其極憂者順

之其福曰康寧劉歆言傳曰時有毛蟲之孽說以為於

天文西方參為虎星故為毛蟲史記周單襄公與晉卻

錡卻犇卻至齊國佐語師古曰單襄公解已在前卻錡駒伯也卻犇苦成叔也卻至昭

子即溫季也國佐齊國武子也告魯成公曰晉將有亂三卻其當之虜

夫卻氏晉之寵人也二卿而五大夫可以戒懼矣高位

實疾顛厚味實腊毒師古曰顛仆也腊久也言位高者必速顛仆也味厚者為毒久今

卻伯之語犯叔迂季伐師古曰伯駒伯也叔苦成叔也季溫季也犯侵也迂夸誕也伐

矜尚也

犯則陵人迂則誣人伐則掩人有是寵也而益之

以三怨其誰能忍之雖齊國子亦將與焉立於淫亂之

國而好盡言以招人過

蘇林曰招音翹招舉也師古曰盡言猶極言也

怨之本

也唯善人能受盡言齊其有虐

師古曰言無善人不能受盡言

十七年

晉殺三郤十八年齊殺國佐凡此屬皆言不從之咎云

晉穆侯以條之役生太子名之曰仇

師古曰穆侯僖侯之孫也條晉地也

蓋以敵來侵已當戰時而生故取仇忿之義以名子

其弟以千晦之戰生名之曰

成師

師古曰太子之弟即桓叔也晦古敵字也千晦亦地名意取能成其師衆也

師服曰異

哉君之名子也

師古曰師服晉大夫

夫名以制誼誼以出禮

師古曰先

制義理然後立名義理既定禮由之出

禮以體政政以正民

師古曰政以禮成俗所以

正

是以政成而民聽易則生亂

師古曰反易禮義則亂生也

嘉耦曰

妃怨耦曰仇古之命也

師古曰本自古昔而有此名

今君名太子曰

仇弟曰成師始兆亂矣兄其替虐

師古曰替廢也

及仇嗣立是

為文侯文侯卒子昭侯立封成師于曲沃號桓叔

師古曰昭

侯國亂身危不能自安故封成師為曲沃伯也桓謚也昭侯叔父故謂之叔也

後晉人殺昭侯

而納桓叔不克復立昭侯子孝侯桓叔子嚴伯殺之晉

人立其弟鄂侯鄂侯生哀侯嚴伯子武公復殺哀侯及

其弟滅之而代有晉國

師古曰武始并晉國故稱公也事在桓三年

宣公六

年鄭公子曼滿與王子伯廖語欲為卿

師古曰曼滿伯廖皆鄭大夫也

廖音聊

伯廖告人曰無德而貪其在周易豐之離

張晏曰離下震

上豐上六變而之離曰豐其屋蔀其家也

弗過之矣

師古曰言無道德而大其屋不過三歲必滅亡

也

間一歲鄭人殺之

師古曰間一歲者中間隔一歲

襄公二十九年齊

高子容與宋司徒見晉知伯汝齊相禮

師古曰高子容齊大夫高止也

宋司徒華定知伯晉大夫荀盈也汝齊晉大夫司馬侯也

賁出汝齊語知伯曰二子

皆將不免子容專司徒侈皆亡家之主也

師古曰專自是也侈奢泰

專則速及侈將以其力敝專則人實敝之將及矣九月

高子出奔燕襄公三十一年正月魯穆叔會晉歸告孟

孝伯曰趙孟將死矣

師古曰穆叔即叔孫穆子也孟孝伯魯大夫仲孫羯也趙孟晉卿趙

文子也名武前年十月穆叔與武同會澶泉至此年正月乃歸

其語偷不似民主

師古曰偷

苟且年未盈五十而諄諄焉如八九十者弗能久矣

師古

曰諄諄重頓之貌也音之閏反

若趙孟死為政者其韓子虜

師古曰韓子韓宣子

也名

吾子盍與季孫言之可以樹善君子也

師古曰季孫謂季武

子也名宿言韓起有君子之德孝伯曰民生幾何誰能

方執晉政可素厚之以立善也

母偷師古曰幾何言無多時也幾音居豈反

朝不及夕將焉用樹穆叔告

人曰孟孫將死矣吾語諸趙孟之偷也而又甚焉九月

孟孝伯卒昭公元年周使劉定公勞晉趙孟

師古曰周景王也

劉定公周卿也食邑於劉名夏是時孟與諸侯會於虢故就而勞之

因曰子弁寃以臨諸

侯盍亦遠績禹功而大庇民乎

師古曰時館於洛汭因見河洛而美禹功故言

之也弁寃冠也言今服冠寃有國家何不追績禹功而庇蔭其人乎

對曰老夫罪戾是懼

焉能恤遠吾儕偷食朝不謀夕何其長也

師古曰儕等也言且得食

而已苟免目前不能念其長久也齊音仕皆反劉子歸以語王曰諺所謂老將

知而耄及之者其趙孟之謂虐

師古曰諺俗所傳言也八十曰耄亂也言人年

老閱歷既多謂將益智而又耄亂也

為晉正卿以主諸侯而齊於隸人朝

不謀夕棄神人矣神怒民畔何以能久

師古曰言其自比賤隸而無恤

下之心人為神主故神人皆去也

趙孟不復年矣

師古曰謂其即死不復見明年是歲

秦景公弟后子奔晉

師古曰后子即公子鍼

趙孟問秦君何如對

曰無道趙孟曰亡虜對曰何為一世無道國未艾也

師古

曰艾讀曰刈刈絕也國於天地有與立焉

師古曰言在天地之間多欲輔助相與共成立

之不數世淫弗能敝也趙孟曰天虐對曰有焉趙孟曰

其幾何

師古曰言當幾時也

對曰鍼聞國無道而年穀和孰天贊

之也鮮不五稔

師古曰贊佐助之也鮮少也稔孰也穀孰為一稔言少尚當五年多則或不當

也稔音人甚反

趙孟視蔭曰朝夕不相及誰能待五

師古曰蔭謂日之蔭

影也趙孟自以年暮朝不及夕故言五年不可待也蔭讀與陰同

后子出而告人曰趙

孟將死矣主民玩歲而愒曰其與幾何

師古曰玩愛也愒貪也與幾何

言不能久也愒音口蓋反

冬趙孟卒昭五年秦景公卒昭公元年楚

公子圍會盟

師古曰圍楚恭王之子也時為楚令尹與齊宋衛陳蔡鄭會于訖

設服離

衛

張晏曰設服者設人君之服離衛者二人執戈在前也師古曰離列人君之侍衛也

魯叔孫穆

子曰楚公子美矣君哉

師古曰穆子叔孫豹也言其服美似人君也

伯州犂

曰此行也辭而假之寡君

師古曰伯州犂楚太宰也言受楚王之命假以此禮耳蓋

為其令尹文過鄭行人子羽曰假不反矣

師古曰行人官名子羽公孫揮字也假不

反矣言將遂為君

伯州犂曰子姑憂子皙之欲背誕也

應劭曰子皙攻

殺伯有今又背盟欲復作亂也師古曰子皙鄭大夫公孫黑也背誕者背命故誕欲為亂也子且自憂此無憂

令尹不反戈也

子羽曰假而不反子其無憂虐

師古曰言令尹將圖為君則楚

國有難子亦有憂也

齊國子曰吾代二子閔矣

應劭曰閔憂也二子伯州犂行人子

羽也師古曰國子齊大夫國弱也二子謂王子圍及伯州犂也圍以是年篡位而不能令終州犂亦為圍所殺故言可閤陳公子招曰不憂何成二子樂矣應劭曰言國有憂已

乃得以成功也師古曰招陳公子哀公弟也言因憂以成事事成而樂也招音韶衛齊子曰苟

或知之雖憂不害

師古曰齊子衛大夫齊惡也言先知為備雖有憂難無所損害退會

子羽告人曰齊衛陳大夫其不免乎國子代人憂子招

樂憂齊子雖憂弗害夫弗及而憂與可憂而樂與憂而

弗害皆取憂之道也

師古曰弗及而憂謂憂不及已而妄憂也

太誓曰民之

所欲天必從之

師古曰太誓周書也

三大夫兆憂矣能無至乎

師古

曰兆憂謂開憂兆也言以知物其是之謂矣師古曰物類也察其所言以知禍福之類

昭公十五年晉籍談如周葬穆后師古曰籍談晉大夫也穆后周景王之后

謚穆也既除喪而燕師古曰燕與宴同王曰諸侯皆有以填撫王

室晉獨無有何也師古曰填撫王室謂獻器物也填音竹刃反籍談對曰諸

侯之封也皆受明器於王室故能薦彝器師古曰明器明德之器也

彝器常可寶用之器也晉居深山戎翟之與鄰拜戎不暇其何以

獻器王曰叔氏其忘諸乎師古曰叔籍談字也一曰叔父之使故謂之叔氏也叔

父唐叔成王之母弟其反亡分乎師古曰分音扶問反昔而高祖

司晉之典籍

師古曰而亦汝

以為大正故曰籍氏女司典之後

也何故忘之籍談不能對賓出王曰籍父其無後乎數

典而忘其祖

師古曰忘祖業

籍談歸以語叔嚮叔嚮曰王其不

終乎吾聞所樂必卒焉

師古曰言志之所樂終於此事

今王樂憂若卒

以憂不可謂終王一歲而有三年之喪二焉

師古曰為太子三年

妻死三年乃娶達子之志言三年之喪二后及太子也

於是乎以喪賓燕又求彝

器樂憂甚矣三年之喪雖貴遂服禮也

師古曰遂猶竟

王雖弗

遂燕樂已早

師古曰天子除喪當在卒哭今適既葬故譏其早也

禮王之大經也

一動而失二禮無大經矣

師古曰經謂常法也既不遂服又即宴樂是失二禮

言

以考典典以志經

師古曰考成也志記也

忘經而多言舉典將安

用之哀公十六年孔丘卒公誅之曰旻天不弔不憖遺

一老俾屏予一人

應劭曰憖且辭也言旻天不善於魯不且遺一老使屏蔽我一人也師古

曰憖音魚覲反

子贛曰君其不歿於魯乎夫子之言曰禮失則

昏名失則愆

師古曰夫子謂孔子也昏謂惑也愆過也

失志為昏失所為愆

生弗能用死而誅之非禮也稱予一人非名也

師古曰天子自

稱曰予一人非諸侯之號故云非名

君兩失之二十七年公孫于邾師古曰孫

讀曰遂死于越

師古曰已解于上

庶徵之恒陽劉向以為春秋

大旱也其夏旱雩祀謂之大雩不傷二穀謂之不雨京

房易傳曰欲德不用茲謂張

孟康曰欲得賢者而不用人君徒張此意

厥災

荒荒旱也其旱陰雲不雨變而赤因而除師出過時茲

謂廣

李奇曰廣音曠韋昭曰謂怨曠也

其旱不生上下皆蔽茲謂隔其

旱天赤三月時有雹殺飛禽上緣求妃茲謂僭

師古曰緣歷也

言歷衆處而求妃妾也

其旱三月大溫亡雲居高臺府茲謂犯陰

侵陽其旱萬物根死數有火災庶位踰節茲謂僭其旱

澤物枯為火所傷釐公二十一年夏大旱董仲舒劉向

以為齊桓既死諸侯從楚釐尤得楚心楚來獻捷釋宋

之執

師古曰謂此年楚執宋公以伐宋冬使宜申來獻捷十二月盟于薄釋宋公也

外倚彊楚

炕陽失衆又作南門勞民興役

師古曰南門本名稷門更改高大而作之事在

二十

諸雩旱不雨畧皆同說宣公七年秋大旱是夏宣

與齊侯伐萊

師古曰萊國即東萊黃縣也

襄公五年秋大雩先是宋

魚石犇楚

師古曰犇古奔字也事在成十五年魚石宋左師也公子目夷之曾孫也

楚伐宋

取彭城以封魚石

師古曰事在成十八年

鄭畔于中國而附楚

師古

曰自鄢陵戰後鄭遂不服故諸侯屢侵伐之

襄與諸侯共圍彭城

師古曰謂襄元年使

仲孫蔑會晉欒黶宋華元衛甯殖曹人莒人邾人滕人薛人圍彭城

城鄭虎牢以禦楚

師古

曰事在二年虎牢本鄭邑時已屬晉蓋追言之

是歲鄭伯使公子發來聘

師古曰公

子發鄭穆公之子子產之父也字子國

使大夫會吳于善道

師古曰使仲孫蔑會吳也

善道吳地

外結二國內得鄭聘有炕陽動衆之應八年九月

大雩時作三軍季氏盛

師古曰萬二千五百人為軍魯本立上下二軍皆屬於公有事

則三卿遞帥之而征伐今季氏欲專其人故增立中軍三卿各主其一也事在十一年

二十八年

八月大雩先是比年晉使荀吳齊使慶封來聘

師古曰比年頻

年也荀吳晉大夫即荀偃之子也二十六年晉侯使來聘慶封齊大夫也二十七年齊侯使來聘是夏

邾子來朝襄有炕陽自大之應昭公三年八月大雩劉

歆以為昭公即位年十九矣猶有童心居喪不哀炕陽

失衆六年九月大雩先是莒牟夷以二邑來犇

師古曰事在五

年牟夷莒大夫也二邑謂牟婁及防茲也

莒怒伐魯叔弓帥師距而敗之昭

得入晉

師古曰叔弓魯大夫時昭公適欲朝晉而遇莒人來討將不果行叔弓既敗莒師公乃得去故

傳云成禮大國以為援好也

外和大國內獲二邑取勝鄰國有炕陽

動衆之應十六年九月大雩先是昭公母夫人歸氏薨

昭不感又大蒐于比蒲

師古曰事在昭十一年歸氏胡國之女歸姓即齊歸也齊謚也

蒐謂聚衆而田獵也

比蒲魯地名 晉叔嚮曰魯有大喪而不廢蒐國不

恤喪不忌君也君亡感容不顧親也殆其失國與三年

同占二十四年八月大雩劉歆以為左氏傳二十三年

邾師城翼還經魯地

師古曰翼邾邑也經者道出其中也魯地謂武城也

魯襲取

邾師獲其三大夫

師古曰謂徐鉏丘弱茅地也

邾人懇于晉晉人執

我行人叔孫婁

師古曰叔孫昭子也婁音丑畧反

是春廼歸之二十五

年七月上辛大雩季辛又雩旱甚也劉歆以為時后氏

與季氏有隙

師古曰后氏郈昭伯也季氏季平子也季郈之難鬪季氏芥其難郈子為之金距平

子怒益宮於郈氏且責讓之故郈昭伯怨之

又季氏之族有淫妻為讒使季

平子與族人相惡皆共譖平子

師古曰謂平子庶叔父公鳥之妻季如與雍人

檀通而譖季氏之族人季公亥公思展故平子殺思展以故族人皆怨之

子家駒諫曰讒人

以君徼幸不可

師古曰子家駒即子家懿伯莊公之玄孫也一名羈

昭公遂伐季

氏為所敗出奔齊定公十年九月大雩先是定公自將

侵鄭歸而城中城二大夫帥師圍鄆

師古曰事並在六年中城魯之邑也

二大夫謂季孫斯仲孫何忌

嚴公三十一年冬不雨是歲一年而三

築臺

師古曰是年春築臺于郎夏築臺于薛秋築臺于秦秦郎薛皆魯地

奢侈不恤民釐

公二年冬十月不雨三年春正月不雨夏四月不雨六

月雨先是者嚴公夫人與公子慶父淫而殺二君

師古曰慶

父桓公之子莊公弟也二君謂子般及閔公○宋祁曰朱子文云者字宜去

國人攻之夫人

遜于邾慶父犇莒釐公即位南敗邾

師古曰謂元年公敗邾師于偃

東

敗莒獲其大夫

師古曰謂元年公子友帥師敗莒師于鄆獲莒挈也

有炕陽之應

文公二年自十有二月不雨至于秋七月文公即位天

子使叔服會葬

師古曰叔服周之內史也叔氏服字會葬葬僖公

毛伯賜命

師古

曰亦天子使之也毛伯周之卿士毛國又會晉侯于戚

伯爵也賜命者賜以命圭為瑞信也師古曰謂大夫公孫教會之

也戚衛邑在頓丘衛縣西

公子遂如齊納幣

師古曰納玄纁

之幣謂公又與諸侯盟師古曰謂公孫教會宋公陳侯

為婚于齊又與諸侯盟鄭伯晉士穀盟于垂隴也垂隴

地鄭

上得天子外得諸侯沛然自大

師古曰沛音普大反

躋釐公主

大夫始頻事

師古曰謂季孫行父也

十年自正月不雨至于秋七

月先是公子遂會四國而救鄭

師古曰謂九年楚人伐鄭公子遂會晉人宋人

衛人許人以救之

楚使越椒來聘

師古曰越椒楚大夫名也事亦在九年

秦人歸

祿

師古曰謂九年秦人來歸僖公及成風之祿也凡問喪者衣服曰祿成風僖公之母也成謚也風姓也祿

次定四車全書

前漢書

三

遂音有炕陽之應十三年自正月不雨至于秋七月先是

曹伯杞伯滕子來朝

師古曰十一年曹伯來朝十二年杞伯滕子來朝

邲伯來

邲

師古曰事在十二年邲國伯爵也

秦伯使遂來聘

師古曰事在十二年遂秦大夫名即

左氏所謂西乞術

季孫行父城諸及鄆

師古曰事在十一年諸鄆二邑名也諸即琅邪

也諸縣

二年之間五國趨之內城二邑炕陽失衆一曰不

雨而五穀皆孰異也文公時大夫始顓盟會公孫敖會

晉侯又會諸侯盟于垂隴故不雨而生者陰不出氣而

私自行以象施不由上出臣下作福而私自成一曰不

雨近常陰之罰君弱也惠帝五年夏大旱江河水少谿谷絕先是發民男女十四萬六千人城長安是歲城乃成文帝三年秋天下旱是歲夏匈奴右賢王寇侵上郡

詔丞相灌嬰發車騎士八萬五千人詣高奴

師古曰即上郡之縣

擊右賢王走出塞其秋濟北王興居反使大將軍討之皆伏誅後六年春天下大旱先是發車騎材官屯廣昌

師古曰武都之縣是歲二月復發材官屯隴西後匈奴大入上

郡雲中烽火通長安三將軍屯邊

師古曰謂以中大夫令免為車騎將軍屯

飛狐故楚相蘇意為將軍屯句注將軍張武屯北地

又三將軍屯京師

師古曰謂河內太守

周亞夫為將軍次細柳宗正劉禮為將軍次霸上祝茲侯徐厲為將軍次棘門

景帝中三年秋

大旱武帝元光六年夏大旱是歲四將軍征匈奴

師古曰謂

車騎將軍衛青出上谷騎將軍公孫敖出代輕車將軍公孫賀出雲中驍騎將軍李廣出鴈門

元朔五

年春大旱是歲六將軍衆十餘萬征匈奴

師古曰謂衛青將六將軍

兵也六將軍者衛尉蘇建為游擊將軍左內史李沮為疆弩將軍太僕公孫賀為騎將軍代相李蔡為輕車將軍俱出朔方大行李息岸頭侯張次公為將軍出右北平

元狩三年夏大旱是歲發

天下故吏伐棘上林穿昆明池天漢元年夏大旱其三

年夏大旱先是貳師將軍征大宛還天漢元年發適民

師古曰適讀曰謫

二年夏三將軍征匈奴

師古曰謂貳師將軍三萬騎出酒泉因扞

將軍出西河騎都尉李陵將步兵五千人出居延北也

李陵沒不還征和元年夏

大旱是歲發三輔騎士閉長安城門大搜始治巫蠱明

年衛皇后太子敗昭帝始元六年大旱先是大鴻臚田

廣明征益州暴師連年宣帝本始三年夏大旱東西數

千里先是五將軍衆二十萬征匈奴

師古曰本始三年御史大夫田廣明

為祁連將軍後將軍趙充國為蒲類將軍雲中太守田順為武牙將軍及度連將軍范明友前將軍韓增凡五

將軍兵十五萬騎校尉常惠持節護
烏孫兵咸擊匈奴是為二十萬衆也

神爵元年秋大旱

是歲後將軍趙充國征西羌成帝永始三年四年夏大

旱左氏傳晉獻公時童謡曰丙之晨龍尾伏辰衲服振

振取號之旂

師古曰徒歌曰謡衲服黑衣服振衲服之貌也衲音均又音弋春反振音只人反

鶉之賁賁天策煇煇火中成軍號公其犇

師古曰賁音奔煇音吐敦

反又音敦

是時號為小國介夏陽之阨怙虞國之助

師古曰介隔也

亢衡於晉有炕陽之節失臣下之心晉獻伐之間於卜

偃曰吾其濟虘

師古曰卜偃晉大夫主卜者

偃以童謡對曰克之十

月朔丙子旦日在尾月在策鶉火中必此時也冬十二月丙子朔晉師滅虢虢公醜犇周周十二月夏十月也言天者以夏正史記晉惠公時童謠曰恭太子更葬兮後十四年晉亦不昌昌廼在其兄是時惠公賴秦力得立立而背秦內殺二大夫師古曰謂里克丕鄭國人不說及更葬其兄恭太子申生而不敬故詩妖作也後與秦戰為秦所獲立十四年而死晉人絕之更立其兄重耳是為文公遂伯諸侯左氏傳文成之世童謠曰鸛之鵠之公出

辱之

師古曰鸛音劬鸛音欲

鸛鵒之羽公在外野往饋之馬鸛鵒

跽跽公在乾侯

臣瓚曰乾侯在魏郡斥丘縣師古曰跽跽跳行貌也跽音誅乾音干徵蹇

與襦

師古曰徵求也褰褌之言公出外求袴襦之服

鸛鵒之巢遠哉搖搖

師古曰搖

搖不安之貌

稠父喪勞宋父以驕

師古曰父讀曰甫甫者男子之通號故云稠父宋父

也言昭公欲去季氏不遂而出故曰喪

鸛鵒鸛鵒往歌

來哭

師古曰謂昭公生時出奔死乃以喪歸之

至昭公時有鸛鵒來巢公攻

季氏敗出奔齊居外野次乾侯八年死于外歸葬魯昭

公名稠公子宋立是為定公元帝時童謠曰井水溢滅

竈煙灌玉堂流金門至成帝建始二年三月戊子北宮
中井泉稍上溢出南流象春秋時先有鸛鵒之謠而後
有來巢之驗井水陰也竈煙陽也玉堂金門至尊之居
象陰盛而滅陽竊有宮室之應也王莽生於元帝初元
四年至成帝封侯為三公輔政因以篡位成帝時童謠
曰燕燕尾涎涎師古曰涎涎光澤貌也音徒見反張公子時相見木門
倉琅根燕飛來啄皇孫皇孫死燕啄矢其後帝為微行
出遊常與富平侯張放俱稱富平侯家人過河陽主作

樂見舞者趙飛燕而幸之故曰燕燕尾涎涎美好貌也

張公子謂富平侯也木門倉琅根謂宮門銅鍰師古曰

首及銅鍰也銅色青故曰倉琅鋪首銜環故謂之根鍰讀與環同言將尊貴也後遂立

為皇后弟昭儀賊害後宮皇子卒皆伏辜所謂燕飛來

啄皇孫皇孫死燕啄矢者也成帝時謠又曰邪徑敗

良田讒口亂善人桂樹華不實黃爵巢其顛故為人所

羨今為人所憐桂赤色象漢家華不實無繼嗣也王莽

自謂黃象黃爵巢其顛也嚴公十七年冬多麋劉歆以

為毛蟲之孽為災劉向以為麋色青近青祥也麋之為
言迷也蓋牝獸之淫者也是時嚴公將取齊之淫女其
象先見天戒若曰勿取齊女淫而迷國嚴不寤遂取之

夫人既入淫於二叔終皆誅死

師古曰謂慶父縊死叔牙鴆卒齊人殺哀姜也

幾亡社稷

師古曰謂子般閔公前後見殺而齊侯欲取魯國也

董仲舒指畧同京

房易傳曰廢正作淫大不明國多麋又曰震遂泥

李奇曰從

三至五有坎象坎為水四為泥在水中故曰震遂泥泥
者泥溺於水不能自拔道未光也或以為溺於淫女故
其妖多麋麋迷也師古曰此易厥咎國多麋昭帝時昌
震卦九四爻辭也泥音乃計反

邑王賀聞人聲曰熊視而見大熊左右莫見以問郎中令龔遂遂曰熊山野之獸而來入宮室王獨見之此天戒大王恐宮室將空危亡象也賀不改寤後卒失國左

氏傳襄公十七年十一月甲午宋國人逐猘狗

師古曰猘狂也

音征
例反

猘狗入於華臣氏

師古曰華臣
華元之子也

國人從之臣懼遂

奔陳先是臣兄闕為宋卿

師古曰
為右師

闕卒臣使賊殺闕家

宰遂就其妻宋平公聞之曰臣不唯其宗室是暴大亂宋國之政欲逐之左師向戌曰大臣不順國之恥也不

如蓋之

師古曰向戌宋桓公曾孫也蓋謂覆掩其事也

公廼止華臣炕暴失義

內不自安故犬禍至以犇亡也高后八年三月被霸上

師古曰被者除惡之祭也音廢

還過枳道見物如倉狗械高后掖

師古曰

謂拘持之也械音戟拘音居足反

忽而不見卜之趙王如意為祟遂病

掖傷而崩先是高后鴆殺如意支斷其母戚夫人手足

摧其眼以為人彘

師古曰摧謂敲擊去其精也摧音口角反凡言彘者皆豕之別名

文

帝後五年六月齊雍城門外有狗生角

師古曰雍城門者齊門名也春

秋左氏傳平陽之役趙武及秦周伐雍門之莢是也○劉敞曰平陽當作平陰

先是帝兄齊悼

惠王亡後帝分齊地立其庶子七人皆為王

師古曰謂齊孝王將

閭濟北王志菑川王賢膠東王雄渠膠西王卬濟南王辟光并成陽恭王喜是謂七王

兄弟並彊

有炕陽心故犬禍見也犬守御角兵象在前而上鄉者

也師古曰鄉讀曰嚮此下亦同

犬不當生角猶諸侯不當舉兵鄉京

師也天之戒人蚤矣諸侯不寤後六年吳楚畔濟南膠

西膠東三國應之舉兵至齊齊王猶與城守

師古曰與讀曰豫

三國圍之會漢破吳楚因誅四王故天狗下梁而吳楚

攻梁狗生角於齊而三國圍齊漢卒破吳楚於梁誅四

王於齊京房易傳曰執政失下將害之厥妖狗生角君
子苟免小人陷之厥妖狗生角景帝三年二月邯鄲狗
與彘交悖亂之氣近犬豕之禍也是時趙王遂悖亂與
吳楚謀為逆遣使匈奴求助兵卒伏其辜犬兵革失衆
之占

如淳曰犬吠守似兵革外附它類失衆也

豕北方匈奴之象逆言失聽

交於異類以生害也京房易傳曰夫婦不嚴厥妖狗與
豕交茲謂反德國有兵革成帝河平元年長安男子石
良劉音相與同居

師古曰二人共止一室

有如人狀在其室中擊

之為狗走出去後有數人被甲持兵弩至良家良等格擊或死或傷皆狗也自二月至六月乃止鴻嘉中狗與燕交左氏昭公二十四年十月癸酉王子鼂以成周之

寶圭湛于河

師古曰以祭河也爾雅曰祭川曰浮沉湛讀曰沈後皆類此

幾以獲神

助

師古曰幾讀曰冀

甲戌津人得之河上陰不佞取將賣之則

為石

師古曰陰不佞周大夫也

是時王子鼂篡天子位萬民不鄉號

令不從

師古曰鄉讀曰嚮

故有玉變近白祥也癸酉入而甲戌

出神不享之驗云玉化為石貴將為賤也後二年子鼂

犇楚而死史記秦始皇帝三十六年鄭客從關東來至

華陰望見素車白馬從華山上下知其非人道住止而

待之遂至

師古曰於道上住而待此車馬

持璧與客曰為我遺鎬池君

張晏曰武王居鎬鎬池君則武王也武王伐商故神云始皇荒淫若紂矣今亦可伐也孟康曰長安西南有鎬池師古曰鎬池在昆明池北此直江神告鎬池之神云始皇將死耳無豫于武王也張說失矣因言今

年祖龍死

蘇林曰祖始也龍人君象謂始皇也

忽不見鄭客奉璧即始皇

二十八年過江所湛璧也與周子鼂同應是歲石隕于

東郡民或刻其石曰始皇死而地分此皆白祥炆陽暴

虐號令不從孤陽獨治羣陰不附之所致也一曰石陰
類也陰持高節臣將危君趙高李斯之象也始皇不畏
戒自省反夷滅其旁民而燔燒其石是歲始皇死後三
年而秦滅孝昭元鳳三年正月泰山萊蕪山南匈匈有
數千人聲民視之有大石自立高丈五尺大四十八圍
入地深八尺三石為足石立處有白鳥數千集其旁眊
孟以為石陰類下民象泰山岱宗之嶽王者易姓告代
之處當有庶人為天子者孟坐伏誅京房易傳曰復崩

來無咎

師古曰復卦之辭也今易崩字作朋字

自上下者為崩厥應泰山

之石顛而下

師古曰顛墜也

聖人受命人君虜又曰石立如人

庶士為天下雄立於山同姓平地異姓立於水聖人於

澤小人天漢元年三月天雨白毛三年八月天雨白鼈

師古曰凡言鼈者毛之強曲者也音力之反

京房易傳曰前樂後憂厥妖天

雨羽又曰邪人進賢人逃天雨毛史記周威烈王二十

三年九鼎震

孟康曰威烈一王之謚也六國時也師古曰即赧王之高祖也

金震木動

之也是時周室衰微刑重而虐號令不從以亂金氣鼎

者宗廟之寶器也宗廟將廢寶鼎將遷故震動也是歲

晉三卿韓魏趙篡晉君而分其地威烈王命以為諸侯

天子不恤同姓而爵其賊臣天下不附矣後三世周致

德祚於秦

晉灼曰赧王奔秦獻其邑此為致德祚也

其後秦遂滅周而取九

鼎九鼎之震木沴金失衆甚成帝元延元年正月長安

章城門門牡自亡

晉灼曰西出南頭第一門也牡是出簫者師古曰牡所以下閉者也亦以

鐵為之非出簫也

函谷關次門牡亦自亡

韋昭曰函谷關邊小門也師古曰非行人

出入所由蓋關司曹府所在之門也

京房易傳曰饑而不損茲謂泰厥災

水厥咎牡亡妖辭曰關動牡飛辟為亡道臣為非厥咎
亂臣謀篡李奇曰易妖變傳辭故谷永對曰章城門通路寢之路
函谷關距山東之險城門關守國之固固將去焉故牡
飛也

前漢書卷二十七中之上